

四庫全書

史部

欽定四庫全書

浙江通志卷五十五

水利四

湖州府

烏程歸安
二縣附郭

霅溪 在安定門內即江子滙是也餘不溪前溪北

流水苕溪四水總會於江子滙謂之霅溪

詳見山川

苕溪 在城西一流入清源門一流從清源門外沿

壕至臨湖門外合霅溪入太湖

互見山川

橫塘 在府治南一里在城者謂之橫塘城外謂之
荻塘太平寰宇記晉太守殷康所開元和郡縣志
一名吳興塘太守沈嘉之所建灌田二千餘頃吳
興掌故唐開元中烏程令嚴謀達重開荻塘

烏程縣

城外
河道

太湖 在府北一十八里廣二百八十三里周回三
萬六千頃連接四郡界弘治湖州府志太湖舊有
沿湖之隄多為淩淩有斗門制以巨木甚固門各

有牐板遇旱則閉之以防溪水之走洩有東北風亦閉之以防湖水之暴漲舟行有所艤泊官主其事為利浩博沿湖諸淩三十八俱屬烏程舊志修湖淩記云湖淩三十六其九屬吳江其二十七屬烏程惟計家港近溪而闊獨不置牐紹興二年知州王回修之又改二十七淩名曰豐登稔熟康寧安樂瑞慶福禧和裕阜通惠澤吉利泰興富足固益濟皆冠以常字欲其常有是美也久廢不牐明

弘治七年布政司參政周季麟度地為隄通淩港

備旱潦湖不為害

錢福重築湖堤記天子御極之七年延訪能言水利者授工部

侍郎徐公貫同巡撫都御史新昌何公鑑經理東南二公既審知東南巨浸在太湖迺巡湖之下流得浦瀆入海者躬督常蘇松三郡疏濬之而以湖之上流授浙江布政司左參政江西周公季麟治之周公乃按湖郡躬歷烏程長興之涯而歎曰是在禹貢所謂震澤者也澤以滯水而震蕩不定故難為功跨湖蘇松常四郡所瀦既大下流難疏於是得周文襄公所築湖隄故迹而訴衆議興復湖守河南鄭君宏貳守廣東何君文英治農判山西楊君清咸曰此吾守土親民之責也遣長興丞江西胡君健量度地勢自烏程抵宜興界凡七十里咸隄焉其崇為一丈廣與崇仿而加尺者五復竇

其隄以通淩港者二十九為石橋於寶二十六旱
瀦滂泄不惟不能為害而且為利矣用人力者四
千用糧者八百餘石功始於某月
落成八年乙卯是歲秋果大有
崇禎烏程縣志

萬厯四十二年知縣曾國禎勘得茗為澤國水多
歧出其衝則漕艘之所經其僻而四散則田間之
所以備旱潦也衆水所匯所稱喫緊者有三十六
淩港除陳淩等十七港深闊如故無容議修其外
應修楊淩等十九處令有田家照畝科派富者出
銀貧者出力疏濬通流築圯補壞陸續完竣

國朝康熙四十七年奉

旨發帑度地建閘開濬支河港蕩巡撫王然委湖州府知府章紹聖疏濬諸淩港皆使深通除大錢小梅二港因通舟楫不應建閘外餘各建小閘一所時其啓閉以備旱澇雍正八年總督臣李衛委湖州協守備范宗堯湖州府知府唐紹祖動給帑銀一千四百六十五兩有奇修濬大錢小梅石塘并諸港之間

運河 即官河在郡城東

大錢港

在縣北十八里

小梅港

在縣北十八里以上二港最大總名雪西南衆水以

入湖

西金港

顧家港

官瀆港

張家港

一名張婆

港

宣家港

楊瀆港

泥橋港

寺橋港

計

家港

陽港

沈港

羅港

大港

新涇港

潘港

諸港

謝港

和尚港

又名上水港

張港港

幻湖港

一名官湖

西金港

東金港

趙港

許

港

楊港

一名王港

義高港

陳港

薄港

五浦

淩 蔣淩 錢淩 新浦淩 石橋淩 湯淩

盛淩

一名成淩

宋淩

喬淩

湖淩

以上諸淩俱沿太湖

峴山淩

即碧浪湖在縣南五里

掩浦

一名項浦在縣東北一十六里

官

瀆

在縣西二十七里

黃浦

一名黃藥澗在縣西南二十里後漢司隸校尉黃向於

此築陂溉田

梅涇

一名東梅堰在縣西南六十里

西風淩

在縣西十四都

吳山淩

在縣西北二十一里

大苞淩

小苞淩

俱在縣東北十

五里

娜兒淩

西余淩

並在縣東十八里

諸墓淩

在縣東二

十八里

西湖淩

上湖淩

俱在縣東塘之北

衡山淩

在縣

南一十八里

謝村漾

在縣東南三十六里

夾山漾

在縣西南九里

棲賢港

在縣西十一里

妙喜港

在縣西南二十五里

黃墅港

在縣

西南九里

橫涇港

在縣北二十四里

潘店港

在縣西三十里

謹按吳興地勢最卑水自天目來者俱會流於此而入太湖其間瀦而為浦瀆匯而為淞港疏壅節流皆所以資蓄洩備旱澇也其興利防害裨益於民者不小故類序其名詳列其方備後之稽考焉

蘇隄

在縣南峴山寺前蘇軾為守時所築互見山川

南塘

在碧浪湖西所以障郭西灣之水萬厯三十六年知府陳幼學修築多用青石上植桃柳名曰

陳公塘朱長春重修南塘改名通塘記吳興西南諸溪谷水并三道會於城南峴山南湖曰碧浪湖

水壯決隄為害久矣萬歷三十三年太守陳公來
度塘自山川壇北盡民舍南至百明橋古橋二益
設新平橋三凡五內疏支渠廣深之達夾山引漾
水淪分出於五橋外塘辟古之半累高甃石為堤
以捍湖溢又南接古峴山橋廢按志疏復之連盤
山又西至峴山寺門止塘凡修二百五十丈有奇
廣二丈六尺隄高七尺五寸役五閱月而工竣塘
內凡鄉區四田畝四萬七千有奇圩圍四百五十
有奇徵為記曰通塘志本利也自城達峴山其南
連蘇灣文忠蘇公治故堤在焉兩堤於兩太守不
朽矣

新塘

在縣西南自武康山壩達碧浪湖首尾三十里

橫渚塘

在縣西境

自西而南

謝塘

在縣西四里晉太守謝安開

蒲帆塘

在縣北二里唐刺史

楊漢公開

青塘

在縣北三里迎禧門外吳景帝令發民丁三千人開梁太守柳惲重濬易

名柳塘又名法華塘元後至元元年縣丞宋文懿
修復程邨修復青塘記烏程包圍震澤苔水自天
目來滌紆曲折過青塘門東北與雪水合而入於
太湖泛濫洋溢故為長隄數十里西抵長興以絕
水勢之奔潰以衛沿隄之良田以通往來之行旅
先是土築歲必加葺數十年來失於修治隄外水
決往來者病於徒涉而沿隄之田亦成沮洳莫有
過而問之者至元再紀元之初真定宋君來丞烏
程誣咨利病行視田里顧瞻太息曰此非長民者
之責乎乃議易以石甃足支永久首捐已資畚土
輦石召匠庀工民歡趨之富者輸財貧者輸力爰
築爰削如鑄如埏為橋梁以通水道夏秋漲潦屹
有巨防奔轂走蹄旁午於道沿隄之田歲喜有秋
郡人伐石以紀成績是役也肇始於至元元年畢
工於二年不費於官不奪於農不侵民力
刻石紀功可以無愧丞名文懿字德淵

欽定四庫全書

卷五十五

荻塘

在城南一里南門外轉東環城接運河明萬
厯戊子己丑間知縣楊應聘修築三十六年

知府陳幼學甃以青石尤為堅固朱國楨修東塘
記得水之利害界以塘甃以石中門支派曲折至
多最鉅者東塘自東門盡得水凡七十里履畝而
隄漕道出焉管一州六邑之口故得雖鎮一都會
也自得而上雖名塘實馳道也內護田廬千萬戊
申歲大水風衝波激存者無幾太守陳公於是修
東塘凡費一千五百餘金塘成父老列三德以頌
曰傭工曰保障曰利涉我湖田疇旱乾水溢之無
恙也七十里吃如亘如而不妄用
湖之一錢一粒則公之功大矣

國朝雍正六年總督臣李衛動帑委員重修石塘自東
門外起至江南震澤縣七十里并集居民培築土
塘

謹按具區為水之所歸苦雪二水奔赴太湖所當
急者開淤塞備隄防也水宜宣洩故有淩港以為
之引導時防泛溢故設堤塘以為之障禦至於諸
鄉之田則各築圩岸以備旱澇然瀕湖田苦澇尤
多自宋迄今言水利者惟在疏其下流而已此沿
湖諸淩所當深濬而其要害則又在吳江長橋與
寶帶橋二處疏通則程安
長德四邑均受其利矣

康山壩

新舊志俱失載見程邨復壩記云崇禎
九年知縣劉沂春復康山壩故存其名

附嚴有穀吳興水利源委記吳越之水以具區為
歸西北受荆溪宣歙蕪湖溧陽之水西南受天目
富陽杭州諸山溪所奔注自禹分三江以引湖入
海具區始有所洩東江淩江吳淞江是也後人為
縱浦橫塘以分釀之又置閘設堰以蓄洩之其源
在溧陽五堰之築使西南諸水不入荆溪以注於

江五堰廢則宣歙池陽九江之水不西入蕪湖而東注具區矣宋慶厯間欲便漕道築吳江挽岸八十里直截湖口今長橋在焉自是湖流中錮蓋五堰開則來者愈迅湖隄錮則去者復緩三江之水上無湖流衝瀉下有海潮沙淤元時東婁二江遂沒吳淞亦哽噎矣明夏原吉開江自崑山開下界浦掣吳江達劉家河以代婁江自華亭開黃浦掣三泖達范家濱以代東江乃五堰不復挽岸時值水災屢作大端在三江日壅加以湖盜出沒居民隨地置壩沿湖淒瀆處處閉壅故諸江浦之水不能歸湖而浸淫於田畝湖之水不能歸海而泛濫於江浦為患可勝道哉今修水利在上流者長橋百瀆為最在下流者吳淞白茆婁江為最惟先治長橋茭蘆壅滯導太湖之水散入昆承陽城三泖諸湖又濬吳淞婁江及大石起屯諸大浦洩潏山之入海又開白茆許浦七鴉福山諸塘以洩

陽城昆承之水注於江達海又令各縣分督鄉首導田間之水悉入小浦小浦悉至大浦則猶泄無阻官民兩利矣至設壩以限盜艘者易以斗閘以時啓閉既便蓄洩以限往來誠兩利也

歸安縣

城外河道

菱湖 在縣東南四十二里即陵波塘也唐書地理

志寶歷中刺史崔元亮開

詳見山川

湖趺漾

在縣東南二十五里

洛舍漾

在縣南八十里

馬林漾

在縣南四

十五里

錢山漾

在縣東南十六里

新興漾

在縣東南三十里

東泊漾

在縣南二十四里

後莊漾

在縣東南三十三里

重兆漾

土山漾

俱在縣東南
三十六里

青水漾

在縣東南
四十里

龍

開漾

在縣南
五十里

和尚蕩

在縣東南
一十二里

潘家漾

在二都

費家漾

在六都

破絮漾

在十都

十字漾

在十都

前漾

在十都

慎家漾

在十都

真需漾

在廿都

三角

漾

鯉魚漾

天荒漾

俱在廿都

里墅漾

在廿都

雙林漾

在三十都

吳興塘

在縣東二
十三里

洪城塘

保稼塘

連雲塘

俱在

縣東與吳興塘相接以上俱
唐寶應中刺史崔元亮開

雙林塘

與洪城塘
相接在縣

東南五
十四里

舍山塘

在縣東南
九十里

九里石塘

在十
九都

史涇塘

在十
八都

和尚塘

一名護浪塘
在八里店東

長興縣

箬溪 在縣南五十步長興縣志明初耿炳文築城

開壕遂分流於城外繞過龍潭灣會南溪

國朝康熙十年知縣韓應恒開濬城河併疏決各處溝

瀆其兩傍侵佔之地委主簿鄭世寧責成坊保督

近瀆田主各自挑濬

四安溪 在縣治西南三十里

國朝康熙九年知縣韓應恒開濬運河自四安塘口至

鈕店橋每年令維新嘉會二區居民以時疏通

太湖 在縣東北三十里

詳見烏程

長興縣志宋皇祐元

年許遵為知縣會有水害民多流移遵於是興修水利明永樂二年張敏為縣丞修築隄防為民興利

國朝康熙四十六年巡撫王然委湖州府知府章紹聖

疏濬諸瀆港各建小閘一所雍正八年總督臣李
衛委湖州協守范宗堯知府唐紹祖修太湖諸港
之閘

西湖 在縣西南十五里溉田三千頃塘高一丈五
尺周七十里唐書地理志湖湮廢貞元十三年刺史
于頔復之人賴其利長興縣志舊有水門二十
四引方山泉注之元和元年縣令權達以方山泉
為豪家所堰斥去塘中田決其堰民賴之咸通元

年潘虔為令重修方山泉以興水利民懷其德今

皆成田

西莊漾

在縣東北十五里

大蕩漾

在縣東南四十里

篠浦

在合溪下

五里

餘魚浦

在縣東北四十二里

邵浦

在縣東北五里通太湖

蔡

浦

在縣東北四十里下太湖

斯圻港

金村港

蔣家港

長大廟港

上周港

烏橋港

謝莊港

丁

家港

鷄籠港

杭瀆港

盧瀆港

殷南瀆港

金鷄港

金浦港

福緣港

石瀆港

後村

浦竹塘港 徐家港 百步港 新開港 花

橋港 珊潑港 盧港 白茅港 竇瀆港 逕

山港

俱在縣治東北通太湖舊傳有七十二港吳越錢氏時沿湖有隄港各有閘歲久湮廢所

存止

楊瀆

在縣東五里

防瀆

在縣東南四十里一名范瀆

盛

瀆

在縣東五里

喬瀆

在縣東南四十里

周瀆

在縣西六十里

荆

瀆

在縣西六十三里

大陳瀆

在縣北二十里

紀費瀆

在縣西三十五里

里

黃墩港

在縣東南三里

方家港

在縣東南

硃砂港

在縣

東南十五里

陳王港

在縣西南七里

雁翎港

在縣西南十里

隅

塘港

在縣西南二十里

斜塘港

在縣西南二十五里

何家港

在縣

西南三里

金逕港

在縣西南三十五里

下諸港

在縣北五里

生

身港

南陽港

車渚港

俱在縣北十里

隔山港

在縣北十

五里

後墳港

在縣北二十里

壇瀆港

在縣北二十五里

夾浦

港

新塘港

俱在縣東北二十里

湯家港

王瀆港

周

村港

霍家港

趙家港

俱在縣南二十里

孫瀆港

在縣

南三十里

青山港

在縣南六十里

坍缺港

在縣東北四十五里明嘉

靖十六年儀真賀恩以刑部主事謫安吉州同知米署縣因鄉民溫良鏜建議於坍缺港口鑿石通

子河一道竟達小梅口於湖邊築堤一百餘丈障之舟從子河行尚舳舻之無患頗應麟築缺口隄碑記長興東北區地瀕震澤與烏程接壤弁山界乎其間弁之餘曰小梅山迤邐直入湖際舟行者率取道蔡浦循湖而東出入鯨波數里一遇風濤則顛覆沈溺十恒八九不逞之徒因而恣其剽掠為患非一日矣傍小梅之麓有一小港曰埭缺港與烏程三徐淩港口相望二百餘武亂石林立於荒陲崔葦間議者咸謂於此築隄濬一裏河以通舟楫可免昔日之患嘉靖戊戌春秋官主事賀君左遷安吉二守來署邑篆乃以其情達於賀君君毅然即下里胥估工費銀一百五十兩有奇乃命敦匠伐石工甫就緒而去楊君至則又給官帑若干稽其程限八閱月而石隄告成高一丈有奇下廣稱是上廣殺五之二長為丈一百有十內鋪以土外植以葦裏河廣三丈有四尺長如其地密埭

缺港廣平裏河長一百三十丈有奇既而楊君被召賀君復來署邑益以官帑濬徐淩港一百四十丈有奇於是往來舟楫率繇裏河脫險就夷如履平地仍歲僉役丁二人以防崩潰著在今甲勒石以垂永久萬厯改元知縣顧其志重修石隈溫良鏗子紹卿紹恩復竭力濬築

蠡塘

在縣東三十五里相傳越范蠡築

胥塘

在縣南四十五里相傳伍子胥築

臯塘

在縣東北二十五里相傳臯伯通築以障太湖之水

荆塘

在縣南九十里荆王

劉賈築

孫塘

在縣西南八十五里孫皓為烏程侯時築

方塘

在縣南三十五

里

周村塘

在縣南四十里

盤塘

在縣西四十里

陶坑塘

在縣

西三十里

官塘

在縣南七十里晉太守謝安所築一名謝公塘

七賢塘

在縣

南五十里

沙干塘

在縣南七十里

青姚塘

在縣西南三十五里

湖

門塘

在縣北三里

曲塘

在縣北十里

橫塘

在縣東北十五里

山塘

弁山塘

呂山塘

俱在縣東南二十里

西倉塘

在縣

東南三十五里

紅星塘

在縣東南四十里

謹按長興水利與烏程畧同而長則三面環山一隅濱湖上六區田多高阜旱則苦暵下六區地勢卑下澇則患溢又往往山泉時發浸沒田廬故開溝洫以備潄泄則高田皆有所賴疏下流以導壅決則低田盡獲其利此濬港瀆築隄防為不可緩也

德清縣

市河 當縣治前即所謂北流水是也

國朝康熙十一年知縣侯元裴濬治民甚便之

內河 在縣南三里餘不溪之支流也德清縣志城南十七都之田於龜溪橋特剏斗門旱則引溪水入其鄉澇則先下棧木以時隄防

洛舍漾

在縣北三十里

齊眉漾

即洋溪在新市西

苧溪漾

在縣東北

三十里

韶村漾

在縣東北三十七里

蠡山漾

在縣東北十五里

湖墩漾

在湖墩村西

西葑漾

在縣東三十五里

敢山漾

大海漾

王婆漾

半段漾

俱在縣東

大麻瀆

在大麻村

金鵝鄉

國朝

雍正七年總督臣李衛動給帑銀一百三十兩委

員重修築大

烏山港

在縣東南三里

石塘

在縣東十八里臨大溪

三里塘

在東門虹橋之東

險塘

在縣南塘

東十七都十六都數萬頃之田所賴設十

俞塘

在四都

東審塘

西審塘

俱在六都

新塘

在八都

秀

王塘

在十四都

南塘

下塘

俱在十六都

南壩北壩

俱在十二都

鄧家壩

在十三都

胖羅壩

朱

家壩

斗門壩

胡家壩

劉金壩

俱在十都

蘇

家壩

在十都

金龍壩

社田壩

龜回壩

以上俱在十七

都

國朝雍正七年總督臣

李衛動給帑銀八百兩有奇委

員修築龜回壩并勞家陡門

南木壩

北木壩

以上俱在十七都

淄

家壩

冷飯壩

倪家壩

南舍壩

金家壩

以上

俱在十一都今建斗門

附胡嘉生清邑水利議清邑西南接壤錢塘餘杭武康每遇霖霖則各邑之山溪野澗一時驟溢百川貫盈遠注於清邑天目餘英天泉莫干諸水倘橫流肆虐民其魚矣然則當如何防禦乎邑之西

南隅水勢暴漲惟高築圩塘可以堵截顧塘非累石為高立見崩潰無役夫以守亦難永遠今十七都設夫四十名以守險塘其由來久矣然溪塘既築而埧壩未設則亦旱澇莫救於是立勞家陡門塘京陡門龜回陡門又立朱家壩金龍壩徐家壩以備節宣皆所宜修飭者也邑東南隅地勢分裂星羅碁置港汊錯雜支流實多居民防盜堵塞小港亦有地方射利佃為魚池更有兩岸塌倒因以成地小民侵佔以致阻水不能通流若遇乾旱無以車戽此為今日之積害當細察開復然此特講求在於境內而境外之洪流巨浸不能歸壚赴壑則境內之水患終難寧息清邑西北之水注於太湖者大畧出於烏程之三十六澮明洪武年設澮之制每澮有役夫十名鐵鉏十把箕箒備守禦所中每年撥一千戶以董事同於長興之三十六澮去淤泥以通水利不獨便舟楫往來也今地方

畏盜往往填淩自衛各淩能保無沮乎清邑東北之水向石門歸安由禾郡以注太湖者如吳江城外築隄四十里中開長橋寶帶橋以通太湖長橋歷年既遠其洞門淤塞過半葑菱泥沙悉阻水勢今宜通其遏抑庶無阻絕之虞故疏濬下流為清邑甦民命也

武康縣

後溪 在縣東北一里即縣後之溪也弘治湖州府志宋慶元間知縣丁大聲募民濬治自龍尾橋至獅子山長一千二百丈公私便之

新溪 在縣東三里自後溪東注弘治湖州府志宋

淳熙三年知縣蔡霖以沙磧漲塞自汭溪口廢舊
港徙水道東北注五里合長安大溪邑人便之號

蔡公溪

五官瀆

在縣北
二十里

橫瀆

在縣東南
十八里

湛星港

在縣東
南十里

直塘

在縣東十九
里路出德清

張公隄塘

在縣東明嘉靖間知
縣張憲築隄民號張

公隄

國朝雍正七年總督臣李衛動給帑銀七百兩有奇委

員修築張公

隄等處塘岸

白龍堰

在北

永昌堰

烏淩堰

在八都

斗門堰

在五

都

黑龍堰

馬頭堰

五漕堰

青龍堰

在桂枝橋

淮一都田

青林堰

湖潭堰

響潭堰

飛

關

堰

鄭汀堰

新溪堰

後溪分流於此

張柵堰

關

堰

東坡堰

劍池堰

豸山堰

烏程堰

關

堰

趙家堰

瓜橋堰

在十三都

謹按武康縣志云陂堰武康水利之急務也凡田之帶山及附郭者咸資灌溉舊有七十二所今存者僅二十有三餘皆莫可考矣至洪武府志所載湖塘堰皆久已湮廢故不錄

安吉州

五湖 州東七里曰五龍湖西南三里曰姚湖南九

里曰獲湖北二里曰西畝湖東二里曰四龍湖皆

有灌溉之功

詳見山川

馬家瀆

在順安鄉

渾水瀆

在梅溪鄉

寺橋港

在順安鄉

丁埠

港

在崑山鄉

沙埠港

在荆溪鄉

小溪港

在荆溪鄉

吳塘

在州北一里吳山下

橫塘

橫亘裏溪之東與吳山相望

朱塘

在州北一

里宋嘉定中陳季永

率鄉民築是三塘

魏塘

在州北五十里

小山塘

在州

東南二十五里銅山中
扇明洪武二十八年開

石鼓堰

在州北十七里唐聖歷元年縣令鉗耳知命所造長十四里闊五十步溉田百頃

東海堰

在州北三十里亦鉗耳知命所開

劉家壩

西紹溪壩

朱墓溪壩

散車壩

范埭

壩

後干壩

羅家壩

陸分壩

范家埭壩

嚴埭壩

楊家壩

成村壩

烏墩壩

在順鄉

水

碓壩

順鄉

簸箕壩

順鄉

長街壩

朱板橋壩

順鄉

橫山壩

順鄉

原潭壩

順鄉

燈心壩

李山壩

堂山壩

分水壩

長閏壩

永豐壩

貴山壩

九功壩

新塘章山壩

順零鄉

炭塢

壩

梅家壩

陂壩

花潭壩

張塔壩

順零鄉

官路橋壩

順零鄉

下堰壩

順零鄉

黃坑壩

以上三十六壩

俱明洪武二十八年置

謹按安吉之水發源於龍潭者為最遠至沿千橋分為二流環繞境內注於震澤各鄉俱鑿溝設壩引灌田畝而又高築埧圩以防溪漲此安吉水利之大畧也

孝豐縣

茗溪 在縣西南三十五里

詳見湖州府城

荻浦 亦在縣治西南

廟山塘

在靈奕鄉

龍塘

在西圩

前塘

蒲薺壩塘

在天目鄉

知縣郭治重修

廬村壩

永豐壩

青山壩

上青山壩

大山壩

五畝壩

水碓壩

聖堂壩

以上俱在浮玉鄉

百沸

壩

小黃干壩

倉基壩

沙沸壩

以上俱在孝豐鄉

分水壩

五山壩

石沿干壩

以上俱在靈奕鄉

蒲薺

壩

井潭壩

上圩壩

青碧壩

彭家壩

仲

塘壩 趙塢壩 牛軛壩 八畝壩 比思壩

湖頭壩 翁山壩 唐廬壩 以上俱在天目鄉 陳安壩

朱家干壩 陳碧干壩 汪汪壩 高家壩

牛皮壩 以上俱在廣茗鄉 走馬壩 南埠壩 西圩壩

大碧壩 寨下壩 何村壩 荻草壩 黃市

壩 以上俱在太平鄉 大坑壩 子福壩 馬跡壩 以上俱在

金石鄉 東塢壩 西冲壩 經塢壩 回車壩

橫山壩 陳墓壩 青山壩 里村壩 以上俱在魚池鄉

謹按弘治湖州府志孝豐載三十一壩舊省志載
三十七壩考之縣志大半不符蓋前後稱謂不同
古今廢置不一
茲照縣志採入

浙江通志卷五十五

欽定四庫全書

浙江通志卷五十六

水利

五

寧波府

鄞縣
附郭

日湖 在城中東南又名細湖縱一百二十丈橫二

十丈周回二百五十丈

月湖 在城中西南又名西湖縱三百五十丈橫四

十丈周回七百二十丈有奇至正四明續志日月

兩湖源於四明山旁通市湖滛潦泛溢則有水喉
食喉氣喉三碶以洩於江蓋四明漫流無豬其涸
可立而待江河通潮以之灌溉田皆斥鹵三碶者
一邦之大利也嘉靖寧波府志三碶久而湮塞今
南北分洩行春保豐二碶

平水則 在城西南隅月湖之尾去郡治數十步水
自宅山來者由長春門而入自林村石塘來者由
望京門而入皆會茲湖旁有石橋名曰平橋至正

四明續志宋寶祐間丞相吳潛於郡城平橋南立
水則書平字於石視字之出沒爲啓閉注洩之準

吳潛建平水則記四明郡阻山控海海派於江其
勢卑達於湖其勢高水自高而卑復納於海則田
無所灌注於是限以碶閘水溢則啓涸則閉是故
碶閘四明水利之命脈而時其啓閉者四明碶閘
之精神攷其爲啓閉之則曰平水尺往往以入水
三尺爲平夫地形在水之下者不能皆平水面在
地之上者未嘗不平余三年積勞於諸碶至洪門
灣一役大畧盡矣已未勸農翠山自林村山西門
泛舟以歸暇日又自月湖沿竹洲艤城南徧度水
勢而大書平字於上方暴雨急漲水沒平字戒吏
卒請於郡亟啟鑰若四澤適均水需平字鑰如故
都鄙旱澇之宜求其平於此而已故置水則於平

橋下而以平字為準
後之來者勿替茲哉

成化四明郡志元大德間都

水營田司到路疏鑿

鄞縣

城外
河道

東錢湖

在縣東二十五里唐書地理志鄞縣有西

湖溉田五百頃唐天寶二載令陸南金開廣之至

正四明續志一名萬金湖以其為利重也周回八

十里受七十二溪之流四岸堰凡七曰錢堰大堰

莫支堰高湫堰栗木堰平水堰梅湖堰

水利圖說
堰之有碑

開者四曰錢曰平水曰高湫曰梅湖大都湖高於河開碑下注可滿三河半鄞東七鄉之田盡資灌溉奉定亦沾其利

宋史河渠志乾道五年守臣張津言東

錢湖方圓廣濶八百頃傍山爲固疊石爲塘八十里自唐縣令陸南金開廣之國朝天禧元年郡守李夷庚重修之中有四牯七堰凡遇旱涸開牯放水溉田五十萬畝比因豪民於湖塘淺岸漸次包占種植菱荷障塞湖水紹興十八年雖曾檢舉約束盡罷請佃歲久菱根蔓延滲塞水脈致妨蓄水

兼塘岸間有低塌處若不淘浚修築不惟寢失水利兼恐塘埂相繼摧毀乞候農隙趁時開鑿因得土修治埂岸實為兩便從之至正四明續志淳熙間請於朝大浚之

魏王鎮州請於朝

嘉定間提刑程覃攝

守捐緡錢置田收租歲給濬治之費寶慶間尚書胡桀守郡請於朝得度牒百道米一萬五千石又濬之懼無以繼奏以贏錢增置田畝令翔鳳鄉長主之分魚戶五百人爲四隅人歲給穀六石隨茭

葑之生則絕其種淳祐壬寅郡守陳瑄歲稔農隙
行賣葑之策隨舟大小葑之多寡聽其求售交葑
給錢入元大德間有以湖爲淺淀請以捺田若干
畝入官租者都水營田分司追斷復爲湖後有司
舉行淘湖拘七鄉有田食利之家分畝步高下標
撥湖葑隨田多寡濶狹俾浚之成化四明郡志明
洪武二十四年本縣耆民陳進建言水利差官來
董其事令七鄉食利之家出力淘浚嘉靖寧波府

志宣德間王士華以叅政家居因田其中七鄉之民陳之監司遂得中止嘉靖九年寧波衛屯軍又請爲屯田鄞縣知縣黃仁山用父老嚴詆言勘覆不行

國朝順治中以諸生陸宇燭條陳禁止侵湖爲田

廣德湖 在縣西十二里舊名鶯脰湖溉田四百頃
成化四明郡志唐大厯八年縣令儲仙舟修治之
唐書地理志貞元九年刺史任侗因故迹增修成

化四明郡志宋熙寧三年知縣張峒令民浚湖築隄工役甚備曾鞏作記鄞縣志宋政和間邑人樓异奏明州廣德湖可為田八百頃募民佃租歲入米二萬石於是西七鄉之田無歲不旱異時膏腴今為下地廢湖之害也

小江湖 在縣西南三十五里唐書地理志鄞縣南二里有小江湖溉田八百頃開元中令王元偉置民立祠祀之

謹按王應麟小江湖辨云唐書載鄆縣東有西湖即今之東錢湖也曾南豐記云鄆東鄉之田錢湖溉之西鄉之田廣德湖注之可見西湖之為錢湖明矣舊志以西湖為今城中之西湖誤又唐書云鄆縣南二里有小江湖今府縣志俱云在縣西南三十五里蓋唐書所云乃在鄆縣未遷之前也舒亶引水記云縣南二里小湖俗所謂細湖頭者乃其故處湖廢久矣亦誤

江塘

一在老界鄉甬東隅名梅墟塘一在鄆塘鄉二十八都宋郡守吳潛增築高厚明隆慶間縣令

督同水利官築塘三千七百餘丈沿接一都圩岸為堰有三曰楊木曰下堰曰徐堰又設硤閘以時

啟閉

梅湖塘

在陽堂鄉十都四畝

高湫塘

在翔鳳鄉十五都三畝十六都

六畝
相界

平水堰塘

在翔鳳鄉十六都六畝

方家湖塘

在翔鳳鄉

十四五畝界已上
四塘俱在東錢湖

大嵩塘

在縣東南八十里大嵩所舊未有塘

國朝

雍正九年建李衛大嵩塘工碑記寧郡為浙東藩
籬其地濱海彌望斥鹵而鄞屬大嵩距郡八十餘
里向嘗設所屯守承平既久田野日益墾闢顧水
利未修偶遇旱澇輒嗟艱食農氓病之是非疏濬
河渠修建碶閘為禦賊蓄淡之計何以轉瘠土為
膏腴乎但工鉅費繁興舉匪易余仰體

聖天子愛養元元之意陳請
勅發帑金疏入報可於是相度地勢之高下計定丈尺

之淺深鳩集物料人夫為一勞永逸之計按大嵩
形勢東南際海三面環山中有熟田暨塗田若干
頃初議於大嵩港下建築巨壩使滴水不入然後
疏諸山之水以資灌溉而建航艘球琳南北大小
陂橫山六閘以蓄洩之迨六閘已漸告竣而港口
濶深潮湧沙浮工費既浩大不貲且慮難於持久

因復酌量形勢改議於大嵩內港接連橫隄之處
夾河築隄退西四十餘里擇其湖水稍緩山根堅
固之金溪橋內設立滾水壩一座以禦鹹潮以洩
山漲而又於橋之西岸鑿山通渠建設閘口導泉
水東流以溉田而分注於橫山等閘以洩之當雨
水和調之日滴水無憂浸遇溪流一綫之時亦
易蓄蓄而足車戽綢繆未雨莫善於此委員分理
而畚鍤隨之經始已酉之四月訖工辛亥之十月
凡閱三載而大工始成余更念大嵩僻在東鄙為
海口要區今茲水利既修田疇日廣戶口日殷凡
熬波魚販之徒出沒海嶼中譏察恭繁必得親民
文吏始克勝彈壓之任疏請移郡同知一員駐劄
其地俾之戡奸究督勸課且河渠隄閘之浚築亦
得以時相視葺治無俾廢墜以綿諸久遠復蒙
俞允自是而嵩之斥鹵盡為沃壤嵩之士女歲歌大有
戶蒙樂利之床世享昇平之福莫不感戴

皇仁而祝

聖壽於億萬斯年也已因紀諸石以昭永永時董理其

事者太常寺卿署浙江承宣布政使司布政使孫國璽分巡寧紹台副使孫詒寧波府知府曹秉仁提督前營遊擊索有明鄞縣知縣鄭大德例得并書

宅山堰

在縣西南五十里先是四明山水注於江與海湖接鹹不可溉田唐太和七年令王元偉

疊石為堰於兩山間闊四十二丈級三十有六治鐵灌之渠與江接為二渠流入城市繚鄉村以灌七鄉田數千頃宋建隆間堰損水不入渠節度使錢億增築全國建中靖國改元監船塢唐意見水灑泄乃盡塞支流稍浚上源固以其土室補堰隙越一歲復涸簽幕張必強鄞令龔行修修之嘉定七年提刑程覃攝守買田收租歲給役夫之費督以邑丞十四年泉使魏峴委里人按渠堰破閘之

埕廢者重加修築潦則七分歸江三分入溪旱則七分入溪三分歸江明嘉靖十四年知縣沈繼美用石版豎豆堰口者半高於舊堰一尺許以故水之入溪者如故民更稱便

唐家埕

黃家埕

俱在縣西南四十里

長埕

石埕

范家塘埕

一名糯米埕俱在縣西南三十五里

朱家埕

在縣西南三十五里

北渡埕

在縣西南三十五里宋守吳潛所創明嘉靖間復加修葺

何家小埕

在縣西南三十

里

沈家埕

在縣西南二十五里

徐家埕

翁家埕

俱在縣西

南二十三里

范家埕

屠家埕

俱在縣西南二十一里

邢家

堰桑塘堰

陳五耆堰

俱在縣西南二十里

季家畝堰

王師堰

俱在縣西南十七里

爐頭堰

小汚堰

蔣家

堰 大蘇堰

俱在縣西南十五里以上諸堰俱在光同鄉

王家堰

在縣

西南十五里

段塘堰

在縣西南十里

張家堰

朱瀨堰

鄭郎堰

今名鄭郎壩俱在縣西南五里

瓦窰堰

崔家堰

俱在縣西

二里

和尚堰

在縣西五里

邵家堰

在縣西十五里

金家堰

西渡堰

朱將軍堰

俱在縣西二十五里以上諸堰俱在清道鄉自它山

堰至此並傍鄭江之西

倪家堰

在縣東五里

道士堰

舊名林家堰今

名林郎壩在縣東南五里

徐師堰

在縣東三十里

梅墟堰

在縣東北三十

里

石家車堰

又名舊軍堰
在縣東五里

王駐洋堰

在縣東五里

楊樹堰

在縣東二十里

張家堰

又名褚浦堰
在縣東三十里以上諸堰俱

在老界鄉

阮家堰

又名余師堰
在縣東三十里陽堂鄉

渡頭堰

在縣東南

三十里

桃枝堰

在縣東南二十里

陸家堰

大花山堰

小花山堰

臨江堰

俱在縣東南三十里

鍾家堰

施

婆堰

俱在縣東南三十一里
以上諸堰俱在手界鄉

戴將堰

古塘堰

俱在縣東南四十里豐樂鄉

長塘堰

在縣南二十五里江河夾岸為塘百丈俗呼百

丈堰

銅盆浦堰

在縣東南十五里

花堰

又名蝦堰
在縣西四十里

蔦蔦堰

在縣西南四十里以上諸堰俱在鄞塘鄉自倪家堰至此並傍鄞江之東

大

蛟堰

在縣西南七十里

禪巖堰

在縣西南六十里

鄞童堰

在縣

西南二
十里

西高堰

在縣西南六十一里

杉木堰

在縣西南五十六里

蘭浦堰

在縣西南四十五里以上諸堰俱在句章鄉

泥峙堰

一作泥秋

堰在縣西三十五里四十七都二番資福寺東

黃梅堰

在縣西三十六里以上俱在桃

源鄉

錢堰

在縣東南三十里五里老界鄉

梅湖堰

栗木堰俱在

縣東南三十里五里陽堂鄉

平水堰

莫枝堰

俱在縣東南三十六里

大堰

在縣東南三十七里

高湫堰

在縣東南三十八里以上諸堰俱在荆鳳鄉自

錢堰至此並
傍東錢湖

大石橋礮

在縣東一里童育二山之水自此入江歲久湮塞宋淳祐間郡守陳堽遂於橋下作

平水石堰而於浦口置閘立橋內可泄水外可捍潮元末浦漲堰閘皆廢明嘉靖三十九年尚書張時徹力言於府縣尋故道而復之永絕水患

五鄉東西礮

在縣東三十五里陽

堂鄉即回江東西礮因定海知縣宋繼祖別礮定海之東岡而廢回江二礮若連日雷雨東七鄉之田皆成巨浸復大石橋礮又於王駐洋之周家堰四都之楊木堰各設礮以補回江之廢則七鄉之水不為

開慶礮

在縣東十里手界鄉舊名雀巢

災矣

建更

蕭阜礮

在縣東南十五里明天順五年郡守陸阜重修

貝則礮

在縣東南三十里手界鄉宋淳祐間建明天
順六年郡守陸阜重修隆慶間修理完固 雲

龍碑

在縣東南三十里手界鄉又名荻球碑宋熙
寧間邑簿黃宁創築令曹臨成之元大德丁

未縣丞盧廷信重修明天順五年郡
守陸阜修治八年郡守張瓚畢工

數碑

在縣東南

四十里

東周碑

在縣東南
四十二里

古塘碑

在縣東南四
十二里俱在

豐樂鄉

樟木碑

在縣南三十五里鄞塘鄉明天順
五年郡守陸阜修理嘉靖間派沾

利鄉民一都起至三十
二都協出工費修築

練木碑

在縣南三十五
里宋寶祐間郡

守吳潛建明正德間縣令
丁洪復修嘉靖間壞重葺

茅針碑

在縣南四十
里俱在鄞塘

鄉

史家碑

在縣南四
十五里

烏金碑

在縣西南三十
八里俱在句章

鄉又名上水礮宋嘉定間重建魏峴重建烏金礮
記出城南五十五里有堰曰它山唐鄮令王侯元
偉所建水自越之上虞歷四明山萬壑爭流演迤
碑泝南注於江自堰之立約水入河乘除有數鄮
西七鄉為田數千頃藉以灌溉其流貫於城之日
月湖閩郡之人飲焉食焉堰之利溥矣然視水之
大小而提開礮之助為多野老謂侯由堰口浮三
瓢聽所止而止殆神其事今自堰出東十有五里
為烏金又東三里為積瀆又東二十七里為行春
皆相地之宜而為之節惟烏金首枕上流歲久傾
圯嘉定辛巳耆老以請大丞相史魯公素知本末
慨然下其事於郡出給調度一不以屬吏民咸勸
趨於是舊址二尺許身東西五丈二尺有奇南址
七尺臂東二十七丈西十三尺橋五丈五尺而長
高九尺閘稱之合石為之體植石為之樞規模宏
壯工力鎮密相繼來牧者皆捐金佐費始終共成

初并請修行春碑築朱瀨堰浚江東道士堰河至是悉以次就緒蓋給於朝者錢十萬助於郡者四百萬總為工萬有九千越三月而畢岷幸贊是役因書之碑 明嘉靖四十四年本縣發官銀修築

積瀆碑

又名下水碑在縣西南三十五里 宋嘉定七年提刑程覃攝守復修

行

春碑

又名南石碑在縣西南十五里俱在光同鄉

進閣碑

在縣西南四十五里

元潘夢桂疊石為碑以時蓄洩

風棚碑

一名望碑在縣西南三十里光同鄉宋熙寧中

今虞大寧置今廢

周大悲碑

在縣西南三十五里

竺迦碑

在縣西三

十五里桃源鄉廢

朝泊碑

在縣西三十五里廢

桃源烏金碑

在縣

西三十里五里

育王碑

在縣東南九十里宋寶慶間育王寺所築元皇慶元年縣尹王

思義修

餘豐碑

在縣西二里廢

保豐碑

又名永豐碑在縣北三里宋淳

祐壬寅郡守陳壇親至其地建開二座立石柱三造板橋於浦口以便往來開慶元年判郡吳潛於其右創為五柱四門闊三丈六尺深四丈餘歲久湮塞老人吳壽甫建言復加修理明嘉靖間郡守孫宏賦於碑相去數丈許內設備塘一帶以防衝決

江東礮閘

在縣東一里許即錢家道頭閘宋淳祐二年士民上言江東米行河舊有礮閘隨時

啟閉內通東湖水脈外障大江潮汛沿河兩岸各有石礮近年塌塞乞行開濬復還古蹟郡守陳壇倡屬開淤塞去瓦礮重修浦口疏水二閘明嘉靖三十八年知府周希哲重開濬層大山開河修閘記明郡城東渡浮橋之左曰江東江東故有米行河河故有礮礮故有閘閘曰浦口礮曰江東寶濱

大江而橋於上亦曰浦口東去二十餘武復有閘
曰疏水夫閘浦口矣復閘疏水何防潰決也宋淳
祐二年修撰陳瑄出守重濬河修治閘橋改今
名民享其利至今殆四百年於茲湮塞故道閘
日就圯東七鄉水西注實尊此入江近築東岡
定民稱便鄧水行頗迴遠時浸溢為災議者謂復
茲諸故閘閘實兩利焉即五鄉閘廢無害也嘉靖
三十八年郡守周希哲請於大司馬張公時徹言
米行河閘廢置事公慨焉肩之周侯檄鄧主簿
張纁治江東閘即日興事役出於里日不過三戶
無上下均用厥力所治河起東嶽廟前至於江為
丈者二百有奇閘可仍者仍之易其石之泐者
而加
木焉

林家道頭閘

在縣東三里許廢

渾水閘

在縣西二里

屠氏橋閘

在縣西南二十里

迴風閘

在縣西南三十五里

迴

沙閘

在縣西南五十里宋淳祐二年置其地則宅山堰吳家橋之舊址林元晉建迴沙閘記慶

元表東海地枕江抱湖水政舉則多豐年不則為
沴淳祐改元冬可齋陳公由少司農秘閣修撰出
鎮二年春創硤一曰保豐復硤二曰斗門曰大河
橋修硤號為喉者曰食曰水曰氣是歲東西俱歉
於澇明獨有秋公曰今所尊者流耳盍治其源城
內外為河為港鄭西七鄉以飲以溉皆源於宅山
而邦人知利未知其害者居半也宅山而上則又
大溪之源越水所注夾岸之沙雨則與水俱下長
官堰上下級皆三十六其上沙沒殆盡下不沒者
五六溪流幾斷於是并皆汲鹵田苦竭澤歲浚至
三四尺役工數萬計民亦勞止間有暴漲自西岸
而下湮塞尤甚公曰與其浚於既積不若遏於未
至水輕清居上沙重濁居下宜閘以止之水平則
啟通道如故沙聚於外則去之易為力乃度地吳

橋去大溪五十尋而近經始營之起秋八月迄冬十月元至正二年本路總管王元恭目堰去閘一百八十步官為起夫淘浚後命守閘人戶自行淘浚永為定式

大嵩河閘

在大

嵩塘

國朝雍正六年總督臣李衛委鄞縣知縣楊懿開濬大

嵩河
建閘

慈谿縣

管山河 在縣東南五里成化四明郡志大江由丈亭分派四十五里至夾田橋橋南五里民田阻之江流不得直達旱無沾溉潦則泛溢宋寶祐五年

丞相吳潛以錢市民田墾河五里長七百丈有奇
濶三丈六尺深一丈六尺水由是達於茅針磬
慈定皆利焉

丈溪 在縣東一十五里明隆慶間開濬

慈湖 在縣東北一里舊名普濟湖廣袤一百五十
畝至正四明續志唐開元間令房琯開鑿之以溉
民田成化四明郡志宋景定五年令金昌年疏浚
之廣隄防置則水磬明洪武二十八年重加修治

國朝順治十二年知縣王繡開濬淤塞清復佔地

花嶼湖

在縣東南一十里古有小塘瀦水多魚及

萆菱湖民資以爲利成化四明郡志唐貞元十年

刺史任侗勸民修築灌溉田疇至正四明續志宋

嘉祐間主簿成立築隄修碑

自爲記

成化四明郡志

元大德天厯間累築爲田而累復之明洪武三十

一年邑人邵功建言復以湖爲田官爲踏量除積

水池蕩河溝外爲田一十三頃九十畝既寢其議

永樂五年定海衛老軍陳詳奏復為田七年以原定畝數俾民耕種起科輸糧

清水湖 在縣東北三十五里灌東鄉田萬畝

杜白二湖 在縣西北六十里杜湖廣三千七百餘畝白洋湖廣一千七百畝成化四明郡志杜湖古有湖址唐刺史任侗重加浚築鳴鶴一鄉之田仰灌溉焉俗號第二天宋慶元初主簿周常開築湖岸修治礮閘沾利尤溥白洋湖唐景龍中餘姚縣

令張辟疆修築水利圖說明隆慶間知縣吳道邇
於漾塘之內退入一里許於南北湖渠中置兩閘
一在洪橋一在韓家橋

大理渠 在縣南五里通積水灌高鄉之田

洪家塘

在縣東南
二十里

門家堰

在縣東
九里

黃沙堰

梁家橋堰

俱在縣
東十里

陳

童堰

丁堰

俱在縣東
十七里

葛家堰

在縣東
十九里

皂莢

堰

在縣東
二十里

沈忠堰

茆風堰

胡卿堰

前莊

堰 方盈堰 齊拱堰 祝家堰 猪欄堰 俱在縣東

十七里 德門鄉 梨木堰 沈家堰 俱在縣東 新堰 在縣

東南十二里 宋寶祐五年修築輦石以甃江岸二十餘丈堰下水步一所慈定二邑之田無斤鹵浸

淫之害元至正七年重修 大杜湖堰 顏家堰 俱在縣東

虞莊堰 馬家堰 俱在縣東 洪家堰 在縣東南

金墩堰 在縣東南 潺浦堰 黃家堰 俱在縣東南

十里 廢 青林堰 茶浦堰 俱在縣東南 梅林堰

在縣東南三十八里 明萬厯五年旱甚堰裂今坊長督沾利人戶修築培堅旱澇有備 李

溪堰

在縣東南四十里

陸家堰

在縣南十里

孔家堰

人名蔡家

堰

苓徑堰

俱在縣西南五里

金家堰

在縣西南十三里

磚

窑堰

清溪堰

俱在縣西南十五里

薛家堰

在縣西南二十里

新河堰

又名溜水堰在縣西南二十五里

謝家堰

河口堰

沈家渡堰

施虎廟堰

又名郎聖堰

唐支堰

牛欄

堰

潘家堰

俱在縣西南三十五里

李家堰

在縣西南三十七里

沙堰

在縣西南四十二里

利家堰

一作李家堰在縣西南六十五里障藍溪之水

溪之東南曰洪莊保其田二十餘頃常苦於旱宋元祐間禮部郎中張宏浚長溝二千七百餘丈接

藍溪當溪之衝置堰以固之歸三分於越之楊溪
至李家閘注於江引七分於溝以溉洪莊保之田
後溪流歸楊溪修
塘頭堰在縣西南
下洋西

堰在縣西南
周家堰
葛塔堰
洪莊堰
余

家堰
烏山堰
蜆浦堰
張押直堰
邵涇堰

俱在石
沈婆堰在縣西
羅城古堰在縣西
臺鄉

金墩堰在縣東北二十五
楓林堰在縣東北
里又名康山堰

五緒涇堰在縣東北六十里舊名新界堰
元至正間縣尹陳文昭重修
雙河

堰在縣西北七十里慈之鳴鶴鄉與餘姚之上林
鄉接上林地勢高鳴鶴地勢低久雨上林之水

東注舊置閘以限然舟行開啟水患如故里人曹聞於閘之左為雙河堰以便舟車宋開慶間塞雙

河開元大德間義士童金重修

戴鄰堰

在縣東十里

張郎堰 白

洋堰

俱在縣西北七十里鳴鶴鄉

虞氏白洋堰

戴家堰

徐家堰

枝浦堰

檀木堰

康宋堰

俱在西嶼鄉

桂勝堰

在四都去縣四里此堰障水灌漑且係本縣運河宜以時修築

慈湖東西礮

舊志作蔣湖礮誤

蕭家礮

俱在縣東西嶼鄉

慈湖

礮

在縣東廢

黃沙礮

在縣東十里

花嶼湖礮

在縣東南十里

李家礮

又名李溪礮閘在縣東三十五里猶文溪香山之水以溉民田宋紹興四年通判陳

者壽邑簿胡大猷重修寶祐五年制使易置於舊
碑之東兩旁甃石立四楹分五眼上建石梁外障

江之鹹潮內限河之暴
溢元大德四年重修

黃泥埭碑

在縣西北六十里宋浙東

提舉季鏞捐二千緡助民爲之涉歲弗績寶祐五
年判府吳潛委縣丞羅公鎮竟其事明永樂二年

移置
松浦

磚橋閘

顏家閘

黃沙閘

俱在縣東十里
宋隱士潘昌建

文溪

閘化紙閘

四港口閘

抱子閘

廢俱在縣
東十二里

橫山閘

在縣東
南十里

茅洲閘

在縣東南十五里元至
正元年王元恭於舊閘

東南三十餘丈創置明
天順六年郡守陸阜修

樊公閘

在縣東南十六
里因舊有支浦

國朝康熙年間邑令樊琳建

支浦閘

在縣東南十六里廢

詹

家閘

在縣東南二十五里舊名詹家堰元至正二十六年改為閘蓄水灌德門鄉田一萬五千

畝

香山閘

陳家底閘

孫家閘

俱在縣東北三十里

唐家閘

永明閘

在縣西嶼鄉

彭山閘

在縣西南五里水出羣山

間迤而東來未至縣五里抵彭山入於江江濱有閘涵水以備旱霖澇則洩之歲久閘廢水無所涸潮入河淤宋淳熙十三年邑簿趙汝積撤故閘址悉以石為之復修斗門通下流貫邑中因舊河而復之廣一丈五尺深七尺中廣二丈六尺石渤深如之舟楫通行邑之下田資以灌溉

石渤

閘

在縣西七里

洪橋閘

在縣西十里

石埠閘

在縣西南十三里

小隱閘

在縣西南二十五里

黃家浦閘

九里浦閘

俱在

縣西南二十里

麻車閘

石甃閘

朱童閘

俱在縣西南三十里

明成化二年郡守張璣同知劉文顯修

椿浦閘

樸木閘

俱在縣西南三十里

十五里

東湫閘

西湫閘

俱在縣西北十里宋潘守仁建久廢明正德二

年鄉士阮行恕復之

釣魚閘

雞鳴湖閘

俱在縣西北十二里

洞

橋閘

在縣西北四十五里

松浦閘

在縣西北四十里明永樂二年知縣余瑄建

雙河木閘

石湫礮閘

淹浦閘

洋浦閘

白洋東閘

俱在鳴鶴鄉今並廢

白洋西閘

杜湖東閘

杜湖西閘

杜湖西磳閘

古窰閘

俱在縣西北六十里宋慶

元閘置元至元間修

海塘石磳閘

斗門閘

上下南洋

閘

徐洋閘

洪莊保閘

裘家閘

胡家港閘

俱在西嶼

奉化縣

新河 在縣東南五里至正四明續志市舊有河上

通資國堰下接鄭家窰沙莽湮塞宋延祐七年知

州馬稱德開濬自市河達於北渡車耆等處相懸

六十里立堰埭三處瀦水灌田數十萬畝又通舟

楫以便商賈往來

袁桷開新河記奉化諸溪至龍潭畢會汪洋行匯陂塘澗溝合

流赴資國埭紆行凡六十里始達於江歲霖雨不時溪江相迎上下交射漂沒廬舍於是築埭善防潦至則泄旱則瀦以灌輸由資國埭注市橋循三山爲廣平湖湖之下有斗門必嚴其水則至是通鄭家窖溪循名山稍折爲楊橋水將達江復限之爲置閘曰進林曰常浦又益限之以埭曰車耆提閘有程則水旱不病馬侯稱德至州遂窮上源首資國耆老咸言市橋達車耆有故河往歲舟楫聯絡濬廣復舊則民其有瘳遂遵市橋至陳橋具畚鍤表深廣未及終日而遺石斷圯舊跡儼著至何家埭積爲豪民利於是決隄仆石埭復置卒守木門易資國埭爲水門亦如之別立小柵以謹通塞

廣平增斗門昔之言紆行六十里皆
得舟行以達於江矣延祐庚申記
嘉靖寧波府

志知州李樞復開之

楊葵重開新河記按州東南
五里資國埭分大溪之水別

於丈港東流於市河又紆行六十里而達於江所
既民田三萬七千餘畝而市河即今所謂新渠是
也至元丙子至延祐庚申四十五年渠自市橋以
北湮塞知州廣平馬侯稱德嘗一浚之自庚申至
今又四十二年渠之湮廢益甚而李侯復開之其
廣三丈至五丈隨地為斷其深二丈視舊有加焉
由市橋至車者者三皆重築之建以貞木甃以密
石為硤者二曰進林曰常浦亦時察焉以嚴其水
則而資國之源滌治為謹由是水循三山
厯廣平湖下斗門皆復其故以達於江矣

趙河 在縣北二十五里至正四明續志自常浦至

王董二堰皆趙河唐元和間令趙察開溉長壽鄉
田八百餘頃

白杜河 在縣東二十五里至正四明續志唐元和
中令趙察開溉民田四百餘頃

范家河 在縣北一十里通大江口潮溉田四百餘
頃奉化縣志明萬厯丙辰縣令賴愈秀同邑紳宋
宗周重開崇禎初淤吏部戴澳捐田復浚縱廣倍
前始通舟楫至石坡嶺砌路十里水通寧紹陸接

溫台為南北孔道

蕁湖 在縣東南五十里宋紹興間置積水溉田八

百餘畝

沙塘

在縣東一里由市西鴨綠橋至方勝
碑南二里許明萬厯間里人孫鉞築

青錦塘

在青錦山下

國朝順治十一年縣令王真築隄康熙十年縣令陳慄

又增築之

栗樹塘

在周公隄下北接長
汀明主簿羅良儕修

長汀塘

在縣

東北
八里

天寧塘

一作善塘在長汀塘對岸宋待制
仇愈率鄉民自岳林至金鐘墩築

七百餘丈明成化間洪水衝決知縣曹澗築之嘉
靖八年決知縣陳鵠復築隆慶三年知縣高應賜

修令主簿羅良儕補砌

長塘

在縣東六里明里人李保改築

仁湖塘

在縣

東北十里

周公堤

在栗木長汀兩塘內先是長堤水決乃為堤於塘內以捍之明宣德

八年水復決令周銓重築

沙堰

在縣東北一里宋待制仇愈因沙堰伐石為碑沾利者二十七里常加修築

斗門

堰

在縣北一都舊為閘元延祐七年知州馬稱德改築為堰灌田數千畝

吳勝堰

在縣東一里即吳家小堰

土埭堰

在縣東八里唐天祐三年奉化縣開國子鄭準所築

資國堰

在縣南五里元至治元年知州馬稱德新其碑閘置堰以遏其衝民田沾溉者

三萬八千餘畝

廣平堰

在縣北十里舊有閘曰斗門元延祐庚申知州馬稱德開浚新

河易閘
為堰

鄭家堰

在縣北十里舊名鄭家窖元延祐七年知州馬稱德改築為堰

新城堰

石砥堰

俱在縣西一十五里

松洋堰

在縣南十八里

元至正十三年知州李樞築

戚家堰

在縣東南十里元延祐七年知州馬稱德置高

三尺石砌三層橫長三十丈濶六尺兩旁用木椿石條甃砌於堰之上畔開河一條濶一丈五尺長四十丈深六尺凡遇水湧於堰上流溢水淺流入堰河

和尚堰

在縣東南十里元延

祐七年知州馬稱德修

黃莊堰

在縣東南十五里宋崇寧間置元至正中知州李樞

更石為碶橫五丈高二丈

雙溪堰

在縣南十五都元至正二十三年知州李樞重修

大堰

聚堰

俱在縣南半里宋政和間令周因建

連山大堰

在縣

西南七
十里

宋家堰

在縣西南
三十里

名山堰

在縣西南
四十里元

至元間築明洪武九
年縣丞喬鑑重修

洞潭大堰

在縣西七十里
明成化間里人

單叔軒鑿石通
荆溪水溉田

黃家堰

在縣東二十二里
明嘉靖乙未通判張源重修

高大堰

在縣北六十
里宋壁築

橫溪堰

在縣東北
三十一里

孟

婆堰

在縣北三十
里

宣家堰

在縣北三十五里
都邑上三堰俱元知州馬稱德

修各溉田
三千餘畝

沫葭堰

鎮北堰

俱在縣北
二十里

車者

堰

在縣北三十
里

黃埭堰

在縣東北三十一里
都邑知州馬稱德修溉金溪鄉田

三千
餘畝

歸家堰

在縣北三十六里
都邑知州馬稱德修溉田三千餘畝

宣門

堰 牌門堰 了角堰 廟前堰 礮後堰 俱在三十

六都 上下許家堰 在縣北三十九都 牢巖堰 在縣西南十里明崇

頑間杭人凌震寢藉堰水激輪作碓并溉田禾

方勝礮

在縣東北慶登橋南宋元嘉中令謝鳳置歲久圯紹興中縣丞陳耆壽復築之元至元三

十年縣尹丁濟修

會通礮

在縣南二里

榆木礮 鎮東礮

新溪礮

俱在縣東二都

資國礮

在縣東南三都元至元年知州馬稱德

建

黃莊礮

在縣南二十里

史家塘礮

在縣東南十八都

江

家塘礮

在縣南十七都

青山礮

廟頭礮

俱在縣南十六都

陳阜頭碑

在縣東三十里

考到碑

在縣東三十二都元知州馬稱德修

湖芝碑

在縣東三十二都元知州馬稱德修明主簿羅良儕復築

錢堰碑

在縣

東三十都

蔣家碑

劉大河碑

俗名王家碑俱在縣北三十三都宋

熙寧間邑人王元章之祖建建炎二年元章重修

進林碑

在縣北三十都宋紹興

乙丑令劉廷直用邑人吳琳言修築淳熙元年復修元延祐六年知州馬稱德重修翁元臣重修進

林碑記距州治可一舍有進林碑水源南出連山鎮亭北至定海縣入於海東接鄞之茅山鄞塘西

入鄞縣小溪大江因三方潮汛所匯之地立碑闡通潮入溝渠河港有百餘里灌奉化長壽金溪三

鄉旁及鄞田數千頃廣平馬侯來守是州先將本渠前後碑闡稍有壅塞者疏之接山溪通江海乃

注意此碑命作壩以斷江潮之來旁疏水源入江
碑橫亘五丈二尺甃隄以直其兩旁起延祐庚申

十月至治辛酉四月成
縣丞喬鑑正統初縣丞黃寧復修
明洪武中
銅山碑
縣在

北二十四都
唐乾寧中建
樸木碑
吳山碑
吳家碑
下

塘碑
大歐碑
俱在縣北
三十五都
常浦碑
在縣北三十
五都宋元祐

中舒亶立石題云兩縣三鄉之所取濟常浦進林
互相接引不可缺一元至元三十年經歷韓居仁

申明常浦進
林水利重修
廣利碑
崑山碑
俱在縣東
北三十都
新

堰碑
大馬碑
毛公石碑
俱在縣北
三十七都
柳公碑

周長官碑
俱在縣北三十九
都宋縣令周因置
馬家碑
在縣北
四十一

都

普平港口閘

在縣北十里
即斗門小閘

進林小閘

在縣北三十
六都進林硤

仁湖塘小閘

在縣北仁
湖塘北

萬家湖小閘

在縣東
北三十

五里

闡家閘

在縣東北
二十里

鎮海縣

舊名
定海

西河 在縣西北四十里成化四明郡志宋德祐元

年提督齊黃震浚治

沈塞湖 在縣北一百里周環二十八里溉田一百

項水利圖說明嘉靖三十五年知縣宋繼祖相湖
地勢南北高下中建土塘長八百六十餘丈置閘

二

白沙湖 在縣北六十里周二里五十步灌田一千
餘畝

顏公渠 自縣西市抵鄞桃花渡綿亘六十里至正
四明續志宋淳祐六年郡守顏頤仲以桃花渡至
定海縣一帶舊有河港皆湮塞乃浚治故河廣五

丈深一丈二尺置礮閘民便其利嘉靖定海縣志
明嘉靖丙申縣令王文貢復疏之

慈孝堰

章拗匯堰

俱在東
管二都

楊家堰

橫河堰

陳家堰

嚴婆堰

姚家堰

管家堰

大寺堰

俱在東
管三都

嚴家堰

另寫堰

潘家後堰

陶家

堰

上陳堰

俱在西
管四都

烏隘堰

七畝堰

張家

堰

莊家堰

壓賽塔堰

倪家堰

虞家堰

鍾家堰

俱在西
管五都

周家斗堰

在靈緒一都古有
通潮石溝在底

洪家堰

梅林堰

下塘堰

俱在靈
緒三部

嚴家堰

在靈

緒四都明嘉靖壬戌知縣何愈重修

宣家堰

奉公堰

洞橋堰

俱在靈
緒四都

鷺鷥堰

東虛步堰

俱在靈
緒五都

張門堰

莊家堰

夏家堰

俱在崇
丘一都

吳家堰

湖水深

堰

汪家堰

石橋堰

楊家堰

黃滿堰

俱在崇
丘

二都

槎堰

一名蛇
堰廢

東岡堰

俱在崇
丘四都

槎浦堰

在靈

巖二都

太博堰

埤埭堰

俱在太
丘一都

楊木堰

大

堰

吳源湫堰

冷水堰

胡家堰

大澤堰

洪橋堰

石曹堰

俱在太丘三都

清水堰

在海宴一都

龍

爪堰

在海宴三都

乾磳

在縣西二里

張鑑磳

在東管二都

孔浦磳

在縣西四十五里

莊家磳

蔣家磳

澥浦磳

俱在靈緒二都

朱家石

磳

在靈緒四都

張師浦磳

在崇丘四都

板橋浦磳

在崇三

都東岡磳

在崇丘四都明嘉靖三十五年知縣宋繼祖建既田一萬三千餘畝張時

徽建東岡磳記寧波治邑鄞與定海錯壤鄞東三十五里有東錢湖橫縱八十餘里合七十二溪之源而渚之溉田百餘萬頃鄞東七鄉暨定崇丘資之甲寅歲宋侯來令定海爰度東岡山之下江水

稍淺橫亘僅二十餘丈曰是可堰西去二十餘丈
即土田疏之以殺水勢曰是可堰堰以蓄水礮以
洩水請於當道可之工肇於四月迄於十月自是
堰以上為河其下為江因水不得內湧河渠不得
外洩昔日瘠鹵之

長山礮

在靈巖二都明嘉靖
壬戌知縣何愈重修

地盡變而為沃壤
范欽重修長山礮記定海所領六鄉負海抱江江
以南靈太二鄉實當水衝舊設海隄四十餘里名
曰千丈塘中列礮五曰長山大礮曰小山礮曰楊
家礮曰貝家礮曰通山礮外捍內瀦應時宣洩昔
人之模範矣歲月滋長海水吞蓄蕩然歲壬戌何
侯愈詢民之瘼於是伐石輸工採椿集夫首營諸
塘徐及五礮下廣上銳開闔
翼如肇於九月迨十月工竣

青嶼浦礮

石湫

礮 烏金礮

石蓮灣礮

金川礮

石方礮

俱在

靈巖二都明正德十五年知縣鄭餘慶修築

貝家碑 楊家碑 蕩

子碑 外鼠碑 內鼠碑 小山碑 太慶碑

俱在

太丘一都 穿山碑

在太三都宋慶厯七年王安石宰鄆於是築隄捍浦為河於隄西

鑿三竅為碑濶三丈六尺高三丈 東山碑 傅家碑 錢豐湫

碑 通山碑

俱在太三都

四浦碑 東浦碑 許家

碑 木碑 朱家碑 廣修碑

俱在太四都

夏林碑

明慧寺碑 小蘆浦碑 沈家碑

俱在海晏一都

寶

聖莊碑 夏畧碑 董家碑

俱在海晏三都

五臺寺莊

硤

在海晏
四都

新開

在小南
門外

車堰閘

陳家閘

俱在東
管二都

善慶閘

在東管
三都

德門閘

在西管
六都

黃沙閘

在靈緒一都
明嘉靖壬戌

知縣何
愈重修

蘆黃硤閘

和尚塘閘

澥浦閘

白

沙湖閘

俱在靈
緒二都

梅林閘

徐家浦閘

鳳浦閘

鳳浦湖大閘

鳳浦湖東閘

鳳浦湖西閘

金墩浦閘

俱在靈
緒三都

丁家浦閘

沈窰湖中閘

俱在

靈緒
四都

湖門湫閘

杜門湫閘

俱在靈
緒五都

象山縣

大河 在縣治南又名舊河源出鳳躍山合三十六
澗灌上洋田六萬餘畝

國朝雍正二年知縣馬受曾疏濬

新豐河 在縣治南來薰門內象山縣志明萬厯間
令陳天祥開

沙河 在縣東三里淤塞成田

國朝雍正二年知縣馬受曾復濬為河

主簿河 在縣東南十里象山縣志宋隆興三年主

簿趙彥逾浚

孤山堰

在縣南十五里

蘇堰

在縣南二十里

李郎堰 城隍堰

俱在縣西南十五里廢

王家堰

在縣西五十里

朝宗礮

在縣南十里俗名大礮頭此與百丈岸礮胡家礮三處為合縣水利攸關宋元祐六年知

縣葉授建紹興七年令宋砥重修廉布重修朝宗礮記象山負海環山縣治東南洋有田四百餘頃

上枕大河以資灌溉下接潮港以決漲溢自唐以來為堰有四曰朝宗理川靈長會源而朝宗為諸堰之要國朝瑞龍寺僧曰蔡伐木為閘以時啓閉民甚利之治平中縣令林君旦復增益元祐六年

縣令葉授始作石碣自是無水旱之憂距今五十年舊址墮圯邑人病之紹興七年莆陽宋砥國平為令茲邑明年即山伐石以為柱始於八年之秋成於十月之吉隆興元年主簿趙彥適重修

永豐碣

俗名百丈岸在縣南十三里

慶豐碣

在縣南十五里

塘

碣

俗名蔣家碣在縣南十五里

秀才碣

會源碣

俱在縣南十五里宋

嘉定十二年
今趙善晉建

靈長碣

俗名胡家碣在縣西南十五里

南塘碣

在縣南三十里明嘉靖九年知縣夏津建

中央碣

在縣南四十里

三眼碣

在縣南九十里

高平碣

在縣南十五里廢

陳光碣

在縣東北四十里明

成化間知縣凌傳建

楓嶼碣

在縣西五十里

理川碣

在縣南十七里廢

定海縣

白泉湖 在縣東北舊名萬金湖周廣三十里瀦水
灌田二百餘頃值旱則桔槔湊集又名富都湖今
漸淤爲田矣

黃馬溪 在縣西北五十里民田賴以灌溉
九溪 在縣北十里灌田五百餘頃

河溪 在縣東北二十五里溉田七百餘頃

東港碶 青山大碶 青山小碶 拗山碶 盤嶼

碑 定海碑

俱在甬東壘

衙頭碑

小碑

俱在吳榭壘

卓家碑 曹山碑

冒棚碑 陸家碑

俱在洞壘

蘆

花碑 鸛峙碑

大蒲壘碑 夾嶼碑

外碑 俱在

蒲蘆壘

史家碑

點燈碑

司灣碑

茶灣碑

料繳碑

俱在舵壘

小展碑

白礁碑

茅洋碑

俱在大展

壘

北墀碑

在北墀壘

大柯梅塘小碑

小柯梅塘

小碑

竹橋裏塘小碑

大支碑

唐家壘塘小

碑

小支碑

俱在白泉壘

小蘆碑

金鉢碑

樸樹

碑

蒲荷碑

俱在干
攬泉

小舟碑

三江碑

俱在
馬泉

小沙碑

在小
沙泉

青泉碑

大沙碑

小碑

江戰

碑

奇泉碑

俱在大
沙泉

旋齒碑

在岑
旋泉

天童碑

天童大碑

董家碑

裏泉塘小碑

俱在紫
微泉

野

泉碑

謝衙碑

鹿頸塘小碑

螺頭碑

曉峯

碑

小山碑

犁頭碑

俱在鹽
倉泉

白泉碑

廟下

碑

俱在白
泉泉

南浦泉碑

在秀
山

北浦泉碑

在蘭
龜山

謹按以上諸碑俱沿海塘隨塘
修建以洩淫潦捍鹵潮者也

張家閘


在南城內宋居民張氏引東北上流以資灌溉後縣令王阮建大橋於上

平水

閘

在南城半里明成化五年總督張勇建洪常為記嘉靖四十一年知縣何愈改建於教場浦支

港盡塞民甚利焉萬厯四十六年副使張可大因故址增設巨石甃砌以蓄洩



浙江通志卷五十六

欽定四庫全書

史部

浙江通志卷五十七至

詳校官給事中臣戴璐

檢討

臣

德生覆勘

總校官編修

臣

倉聖脉

校對官典簿

臣

劉景岳

謄錄監生

臣

林大本

欽定四庫全書

浙江通志卷五十七

水利

六

紹興府

山陰會稽
二縣附郭

府河

在府東一里跨山會界河之在市其縱者自

江橋南至殖利門北至昌安水門其橫者自都泗

門至西郭門中間支河甚多皆通舟楫萬厯紹興

府志府河為市民所侵漸淤隘嘉靖四年知府南

大吉疏開之後知縣張鑑濬學河民亦便之山陰
縣志崇禎癸酉邑人御史金蘭相視淤淺白於有
司捐資倡諸紳士分董其役踰月而水道悉通舟
楫無阻

國朝康熙五十二年知府俞卿令民開濬深必三尺廣
必及兩岸始於各城門鱗次遞進以一里為程不
一月工竣五十四年又令盡撤城中水閣恐久而
漸弛乃琢石碑二一立於府儀門下一立於江橋

張神祠

山陰縣

城外
河道

西小江 在縣西四十五里今為河萬厯紹興府志

明正統十二年詔從山陰人王信奏命蕭山山陰
兩縣起役濬之天順元年知府彭誼建白馬山閘
以遏三江口之潮閘東盡漲為田自是江水不通
於海

運河 在府西一里自西興抵曹娥江亘二百餘里

歷三縣界逕府城中嘉泰會稽志晉司徒賀循臨
郡鑿此以溉田弘治紹興府志宋嘉定十四年郡
守汪綱開濬萬歷會稽縣志明嘉靖四年知府南
大吉濬之

新河 在府城西北二里唐書地理志元和十年觀
察使孟簡開

鏡湖 在府城南三里一名長湖又名大湖亦名鑑
湖沿湖開水門六十九所溉田萬頃跨山會兩縣

周三百五十八里總納兩縣三十六源之水通典
漢永和五年太守馬臻始築塘界湖為二溉田九
千餘頃紹興府志宋祥符後民漸盜為田二湖合
為一南湖屬山陰境東湖屬會稽境熙寧中廬州觀察推官江紆
被遣至越不能建議復湖乃立牌於水以牌內之
湖聽民入租為田至郡守王仲疑又并牌外者盡
田之占湖為田者二千四百餘頃今則皆為起科之田湖盡廢
俗呼白塔洋為鏡湖長十五里蓋其一處耳

謹按山陰諸湖見萬厯府志者一十五而廢者有十鏡湖之類是也鏡湖開自漢以來為會稽一郡水利攸關自唐迄宋日侵月削廢為田者屢矣曾鞏有鑑湖序王十朋有鑑湖三說徐次鐸有復湖議及宋史河渠志會稽志皆欲復湖以為瀦水之區明里人張元忭云曾王徐三公之議非不鑿鑿然昔之為湖特以瀦水蓋山會蕭三縣之水直瀦於海而無瀦蓄故也今既設三江閘則鏡湖之瀦水溉田直可稍緩古今異勢緩急異宜畧載興廢之由以備考證其曾王徐三公之文具載藝文志中

菱塘湖 在縣西五十里嘉靖山陰縣志湖多菱葑

故名廣三千七百餘畝洪武中築隄建閘溉田一

萬八千餘畝近被侵佔為田水不甚蓄

官塘

跨山會兩縣在山陰者為南塘西自廣陵斗門東抵曹娥江百六十里即古鏡湖塘也東漢太

守馬臻築以儲水水高於田田高於海各丈餘旱則泄湖之水以溉田潦則泄田之水以入海沿塘置斗門堰開以時啟閉有十一堰五閘今堰閘或通或塞或為橋往往為居民填佔明嘉靖十七年知府湯紹恩改築水許東西橫亘百餘里遂為通衢

中塘

即運道塘自迎恩門起至蕭山

唐元和十年觀察使孟簡開宋嘉定十四年郡守汪綱增築之明弘治間知縣李良重修甃以石萬歷間主事孫如法捐資修築十餘里亦甃以石國朝康熙間邑庠生余國瑞同僧集忠捐資倡修逮近樂輸萬餘金閏

界塘

在府城西五十里唐垂拱二年始築與蕭山縣分界

古塘

在縣西南二十五里晉太守謝輔築

昌安塘

在昌安門外直抵三江海

口三十里明洪武二十年築

西小江塘

在府城西北三十里宋嘉定間太守趙彥

使築

大江隄

在府城西南一百餘里

謹按山陰之堰大率皆在鏡湖今湖廢堰亦不存且具載徐次鐸復湖議中已見藝文此不錄

麻溪壩

在縣西南一百二十里明成化間知府戴琥築於天樂鄉四十一都之地以捍外水之入

而山會蕭三縣水患始息萬厯十六年蕭山知縣劉會如石重建下開雲洞廣四尺每旱則引水以溉田後雲洞淤塞邑紳余煌廣大之

國朝

康熙二十一年壩毀於潮福建總督姚啟聖修築

改洞為三各廣六尺後復圯五十六年知府俞卿重修

臨浦壩

在縣南三十里半屬

蕭山明宣德中築以斷西江之水正德以來商舟欲取便乃開壩建閘甚為害嘉靖十三年知縣王聘塞之

三江應宿閘

在三江所城西門外明嘉靖十六年知府湯紹恩建凡二十八洞亘堤百餘丈

蓄山會蕭三縣之水三縣共徵銀若干兩為放閉費其上有張大帝祠後為湯侯生祠陶諧建三江應宿閘記紹興屬邑有八惟山陰會稽蕭山之田最下霖雨浸淫則陸地成淵民甚苦之昔之賢守置玉山扁拖二閘以泄其水水潦盛日又設策決捍海塘岸數道以疏其流其為水慮悉矣然二閘之口石硤如疊水却行自諸出浸數百里而田卒汙求決岸則激湍漂駛決壑流移而田亦淪沒其功未全也嘉靖丙申屬高商湯公紹恩守茲土相厥地形直走三江江之潯山嘴突然下有石巉然

其西北山之址亦有石隱然起者公掘地取驗下
及數尺餘果有石如甬道橫亘數十丈公曰兩山
對峙石脈中聯則閘可基矣遂白其事於巡按御
史周公汝員暨諸藩臬長貳僉如議公於是祭告
海神又書上方屬賦役規榷諸授之吏而訪諸同
寅孫君全周君表朱君侃陳君讓復命三邑尹方
廷璽牛斗暨丞尉等慮財用簡夫數屬工義民百
餘十人量事期假厚薄陳畚揭分任効勞命石工
伐石於山且授以方畧北壯相銜煮秫和灰固之
其石激水則剋其首使不與水爭其下有檻其上
有梁中授障水之板板橫側掩之石刻水平之準
使啟閉維時堤築以土其淖莫測先授以鐵繼用
箇竊發北山石授之兩旁甃石彌縫峭格周施隄
厚且堅水不得復循故道其近閘磬折參伍之使
水循涯以行其財用出於田畝每畝科四釐許計
三邑得貲六千餘兩其丁夫起於編氓更番事事

部序既定興工方始月夕向晦有神燈數十往來
於隄若為指示區畫之狀既役工隄再潰決復有
豚魚百餘凡次上浮衆疑且懼奔告於公適錢公
煥在坐曰是易之中孚豚魚吉利涉大川之義也
聞其成矣乎衆心始定經始於丙申秋七月六易
朔而告成洞凡二十有八以應天之經宿塘始於
丁酉春三月五易朔而告成以文計長四百丈有
奇廣四十丈有奇仍立廟以祀元冥計其費數千
餘兩有贏羨又於塘間之內置小閘曰涇溝曰撞
塘曰平水以節水流以脩旱乾云 萬歷十二年
知府蕭良幹增石修之改其近岸旁四洞為常平
閘用洩漲水又置沙田九十二畝草蕩一區徵其
租銀於府備異日修治張元忭重修三江應宿閘
記前太守富順湯侯之閘三江也蓋舉三邑之水
而節宣之其為利甚大至今五十年無以苦潦告
者水日夜震盪石漸泐水益走躡中且就圯民始

欽定四庫全書

卷五十七

苦旱萬歷癸未蒲侯良幹以戶部郎來守越忤以
開告侯舉狀白兩臺報可遂以通判楊君莊董其
事而佐以縣丞鄭日輝千戶陶邦發銀千三百兩
有奇始築堰以障水乃視舊楚所辦泐沃以錫令
固其內已又發巨石四凹其兩巔凸以當上流令
殺水怒凹以銜舊楚令水不得內攻石每方丈自
下而上以次裹之又竅石及其底悉為牝牡相鉤
連令水不得外撼又覆石其上令平衍可馳蓋視
湯侯所建如車益輔如齒益脣倍壯且久總其費
費於築堰者十之六於石若工者十之四凡與直
毫髮必躬吏不得有所侵三閘月而事成蕭良幹
三江開見行事宜一閘之啟閉以中田為準定立
水則於三江平濶處以金木水火土為則如水至
金字脚各洞盡開至木字脚開十六洞至水字脚
開八洞夏至火字頭築冬至土字頭築開夫照則
啟閉不許稽延時刻仍建水則於府治東佑聖觀

并老則水牌上下相同以防欺蔽一開務俱屬三
江巡檢帶管遇水消長即驗則督令開夫以期啟
閉一開兩旁兩洞向雖設不開蓋二十四洞自足
洩水近岸善壞故也今築為常平開兩邊各二洞
以水當蓄處為準水過則任其流庶有雨而水不
漲一開夫山陰八名會稽三名每名工食三兩遇
閏加銀二錢五分水洩後閉閘用土築塞每築一
洞工食銀八錢凡放閘務到底不許留板凡築閘
務堅密不許滲漏違者扣其工食仍完治一漁戶
往時率通同閘夫暗起開板致洩水利及爭執洞
口致有磕損今定漁戶籍名在官止許於大閘裏
河扳罾不許近閘口磕損及暗開作弊違者漁戶
開夫並治罪仍責令修理漁戶定有名籍每名輸
銀一錢五分貯司以備整修蓋板之用一附閘沙
田一百二畝三分三釐九毫坐落山陰四十四都
二畝才字號除撥十畝與湯祠僧種收食用外餘

俱與開夫佃種每年納租二十五兩三錢七分五釐三毫於內納糧差八兩外淨銀一十七兩三錢七分五釐三毫又草蕩一所每年納租五兩其銀二十二兩三錢七分五釐三毫徵收府庫另貯一匣以備異日修閘之費積有多餘止供塘閘取用不許別支 崇禎六年知府黃綱重修

國朝康熙二十一年福建總督姚啟聖重修姜希轍有記二十四年知府胡以渙置田三十畝以歲入修補閘板鐵環後議改修 山西小閘 在郡城北五十里明萬歷

不果而閘座至今無恙 閘知府蕭良翰既修三江閘復於山西設閘為三洞以殺上流水勢補三江之不足

國朝康熙二十九年大水知府李鐸增立二洞共前五洞復置田二十九畝以資歲修後為怒潮所激毀其西二洞五十三年知府俞卿遵舊制修葺三洞洞底曳巨石鞏護屹然如金城前後捐銀五百兩

五十四年六月告竣設閘夫四名

玉山陡門閘

以司啟閉山陰三名蕭山一名
在府城東北三十三里唐貞元元年觀察使皇甫政
建明弘治間郡守曾韃重修

國朝

康熙六十一年知府俞卿重建高輝重建玉山陡
門閘記玉山陡門閘跨南北中分為二左三洞右

四洞納山會蕭三縣之水以時啟閉而達於海自
明太守湯公建應宿閘於三江而陡門之啟閉廢

舟楫通行呼曰老閘老閘為三江咽喉上控諸河
下趨巨壑故址卑狹民船上稍不戒輒觸壞歲

壬寅郡守俞公議令陞老閘左右各高三尺復去
右四洞中一柱合為三以寬水道增葺其壞且缺

者俾可永久經始於六
月下旬越六月而工竣

扁拖閘

在府城北三十
里小江之北其

閘有二北閘三洞明成化十三年知府戴琥建南
閘五洞正德六年知縣張煥建蔣誼建扁拖閘記

欽定四庫全書

卷五十七

山陰會稽蕭山良田千萬頃一遇霖雨則溪水橫流勢若建瓴浮梁戴君廷節以御史出守茲土深恤民患以爲小江決不可復開磧堰決不可再築故於山陰新窰柘林各置一閘以泄江南之水又於扁拖甲蓬各置一閘以泄江北之水復於蕭山之龕山山陰之新河各置一閘以泄湘湖及麻溪之水而後水有所歸三縣之田可以望秋成矣

涇淩閘

在玉山閘北正德六年知縣張

築建

撞塘閘

在玉山閘東明嘉靖十七年建

平水閘

在三江城西門

之南明嘉靖十七年建

茅山閘

在麻溪壩外三里先是天樂四都田截出壩外歲被

江湖淹沒明成化間知府戴琥於茅山之西築閘二洞以節宣江湖久之閘圯水患如故崇禎十六年邑紳劉宗周重建劉宗周築茅山閘記自麻溪築壩而涇湖數萬畝之田遂爲甌脫天鄉諸山之

水既不得越壩以分其漲而小江之水復挾江湖
循茅山以入湓湖汪然巨浸矣賢者憂之於茅山
之口建一水門山洪并發則啟以洩之潮沙驟冲
則扃而拒之遇歲旱乾溪流枯竭則又節宣湖沙
以為數萬畝桔槔地又自茅山至鄭家嘴築大塘
使江流不得橫溢必逶迤曲折由閘以入而後茅
山一閘始屹然孤峙有砥柱之勢天鄉命脈懸於
一絲此誠地方一大關鍵歲久傾圯塘水潰決天
鄉之無收數十年於茲矣余向者著天鄉水利議
及茅山閘議惓惓於移壩改壩實足為三縣興永
利有志未逮歲癸未太史余公煌及各長吏走麻
溪疏導水源因改修舊壩而廣其靈復顧茅山而
謂余曰天樂水利向者先生建三策今不能如其
上姑用其中乎請先開茅山潦則洩旱則灌使三
邑之民曉然知茅山之為利而不願麻溪之有壩
然後漸開麻溪以興永利不亦可乎余應曰唯唯

於是令曰舊置水門二今改闢其一皆以尋為度
高視舊增四之一而以石甃其上半內外皆設靈
門中設板幹務在雄壯是閘也舊通舟楫諸商人
惟取便利不顧節宣以致湓湖江海連為一壑今
增而高即遇狂潦不致闌入半甃以石使不容船
增開水門則消長迅速然後天鄉之水利興而民
無昏墊之苦矣

謹按越州古澤國也山會蕭三邑萬壑爭流會於
三江設應宿閘以導之乃水利之最人者故詳錄
修建之由使後有所考其餘諸閘不過分洩水勢
以佐三江之所不及其已廢者見於縣志故不具
錄

會稽縣

城外河道

曹娥江

在縣東南九十二里即錢塘江上流

詳見山川

東小江

在縣東南九十里亦名小舜江

詳見山川

樊江

在縣東四十里

上竈溪

在府城東南二十里萬歷紹興府志嘉靖

初知府南大吉嘗濬之沿溪田甚獲其利

沈弘道濬上竈

溪記萬峯之瀑交注於上竈之川既瀉而為石堰又瀉而環禹穴其濱則皆稼穡之地沙塞岸地舟楫莫通桔槔無功正德間耆民趙澄聞於上每輟不為嘉靖三載南侯浚城河浚運渠浚堰浚浦遂淪川二百餘里懼其將復堙塞乃立累年修理之規且勒石垂之經久焉

官塘

自五雲門外東至曹娥
亘九十二里餘詳山陰

曹娥壩

在縣東南七十二里曹娥江舊有閘又有斗
門宋曾公亮宰邑時所置今斗門廢而為壩

樹潭碕

保碕

俱在二
十一都

烏口碕

長碕

黃檀碕

范家碕

大碕

俱在二
十七都

上馮碕

花巖碕

袁

村碕

官佩碕

黃鶯碕

王昂碕

青衣潭碕

楊村碕

安家嶺碕

葉村碕

花檀碕

清水

碕

俱在二
十八都

遂安碕

清水碕

石壁碕

俱在二
十九都

葉家碕碕

仙公石碕

長潭碕

若耶溪碕

木橋碑

泉井潭碑

長灘碑

俱在三
十都

謹按會稽水利大半藉乎山陰小半藉於境內利在山陰者應宿玉山是也利在境內者海塘運河是也海塘另為一門運河附見山陰不更錄

蕭山縣

運河 起自西興至錢清鎮宋史河渠志西興鎮通

江兩牖近為江沙壅塞舟楫不通乾道三年守臣言募人自西興至大江疏沙河二十里并濬牖裏運河十三里通便綱運民旅皆利復恐湖水不定

復有填淤且通江六堰網運至多宜差注指揮一人專以開撩西興沙河繫銜及發捍江兵士五十名專充開撩沙浦不得雜役仍從本府起立營屋居之嘉靖蕭山縣志嘉定間江綱知紹興府以蕭山舊有運河西通錢塘東達台寧沙漲二十餘里舟行苦膠乃開浚八十餘丈復創牐江口使江潮不得入河水不得洩淤塗則盡甃以達城闕

湘湖 在縣西二里周八十里溉田數千頃弘治紹

興府志宋楊龜山宰是邑以民苦旱乃經始為湖
南曰上湘北曰下湘嘉泰會稽志初崇化由化夏
孝昭明長興安養新義來蘓八鄉皆仰食湖利乾
道中知縣顧沖以許賢一鄉距湖水雖差邈亦可
溉及乃合舊約益以許賢為九鄉均其利刻石示
衆曰均水約束嘉靖蕭山縣志明永樂間奸民多
以近山地墾田起科以妨水利宣德中魏文靖公
驥白於有司盡革之著水利事述弘治初御史何

舜賓率耆民清理湖地被奸民構陷死十三年其子庠生何競奏聞先後差法司覈實盡行改正正德十五年湖民吳瓚等佔種湘湖田時巡撫許光庭委副使丁沂勘議邑人都御史張嶺備言興廢改正之由遂榜禁之

國朝康熙二十八年湖民孫凱臣等乘湘湖乾涸私自築堤架橋南自柴嶺北至湖嶺約三里許捏僧人萃弘以便商旅往來為稱邑令劉儼督令折毀勒

石永禁

西江塘

在縣西三十里橫亘五十里塘外為富陽江受金衢嚴徽四府之水其上源高勢若建瓴

蕭山在其下流賴此一帶之塘捍之明正德十四年鄉官錢玆發倉粟募民修築嘉靖三十八年塘壞山會蕭大困邑人黃九皋以書上巡按傅鳳翔大興塘役山會二邑協力築之基闊七丈收頂三文高二丈有奇南起傳家山嘴北盡四都半引山橫亘二十餘里自是邑人始免水患崇禎十五年江水泛溢道府及山會二縣清勘塘缺督修國朝順治十一年塘壞甚多知縣韓昌先集議分段修築十七年修西江塘自大門曰上落埤至于家池止康熙四年大修江塘十三年項家缺圮周之冕督建凡塘有缺狹處盡行修葺十五年又冊共計一百三十餘丈隨即建築二十年二十一年相繼

塘圮福建總督姚啟聖捐貲興工命弟姚鳳督役
閏四月工成二十五年西江之張家堰坍毀一百
二十餘丈知縣劉儼捐貲修築山會二縣協力助
修三十一年三縣各出費築備塘一帶五十五年
十一月知府俞卿自大門曰小門曰張家嘴朱前
墩聞家堰共築塘四百二十六丈計銀三千五百
十四兩山會協助三分之一
一五十六年十二月工竣
湘湖塘 在縣西二里
塘長看守先是秋口洩水未經設閘明崇禎
間邑人蔡三樂捐貲建閘又助修西北二塘
竹塘 在縣西南三十五里橫亘三里

國朝康熙九年邑令鄒

橫塘 在縣西三里

柳塘 在縣西四里二

勸修築易土以石

塘俱屬湘湖塘內

白露塘 在縣南二十里

荻涇塘 周家湖

塘

俱在縣南
二十里

橫塘

在縣南
五十里

蘆康河塘

在縣北
七里貼

近海塘

章家堰

在縣東
三里

孫家堰

在縣東
二十里

楊新堰

在縣東
二十五

里

沈家堰

衙前堰

俱在縣東
三十里

石湫堰

蔡

家堰

季家堰

俱在縣東
四十里

單家堰

在縣東南
十五里

邱家堰

在縣南二十五里
明萬曆十四年邑令劉會修築

湊堰

在縣東
一里

大堰

磧堰
在縣南三十里

王家堰

在縣西
一里

股堰

在縣西十里元至正間邑人楊伯遠築堰
輒潰其妻王氏割股投江遂沙漲而堰成

大堰

在縣西十里明萬曆十五年邑令劉會改建永興閘

汪家堰 閘家堰

吳家堰 方家堰 周老堰

以上六堰俱沿西江塘

塘子

堰 在縣西十五里

石巖堰 在縣南十五里

秦家堰 河墅堰

陳家堰 俱在縣南

錢清壩 在縣東四十里

倪家壩 義橋壩 新壩 俱在縣南

二十里 盛文壩 即東壩俗名新壩在縣東五里明萬曆四十四年令陳如松於靈頭

閘橫築一壩以防潮患開雙河塍通運河以便舟楫

新河閘 在縣東三里 澇湖閘 在縣東

麻車閘 在縣東二十里

許家閘

在縣東三十五里

徐家閘

在縣東南十二里元邑人戴成之建

明景泰間縣丞王瑾重修今改橋

螺山閘

在縣東南二十里明天順間知縣梁昉重

建以槩小

林家閘

在縣西四百步兩岸多為民居民填廢舟不能通明弘治十

江之水

四年屯田食事張鸞開浚萬歷十一年邑紳張試重建橋稍廣之

村口閘

在縣西五

里

資福閘

在縣西八里

永興閘

在縣西十里俗名龍口閘開故大堰

明萬歷十五年令劉會因石塘工畢以羨銀改堰為閘二以洩諸鄉水滯

吳家閘

在縣

南四十里

靈頭閘

在縣北十五里

長山閘

在縣東北十里明成化間知府

戴琬建

龕山閘

在縣東北三十里成化間知府戴琬建吳寬建龕山閘記紹興地介

於江海之間潮至則海沙漸壅而水不可通故靈
雨則江流暴漲而田皆湮沒嘗攷郡志有漁浦有
磧堰足以障之入海水利莫大於是自堰之廢農
人始以為病浮梁戴侯由御史出知紹興二年既
相山陰境內置五閘以洩江南北之水他日行蕭
山縣令陳瑤以苦水告遂指龕山斷處置閘閘之
制為門二中施橫木旁立石柱上架石梁起於
成化十一年之四月告成於是年之十二月

黃公閘

在縣南六十里邑人俞種損貲置閘民
受其利又闢家閘謝薦閘俱俞種建

鳳堰閘

在縣東四百步明弘治七年邑人任邦瑞
重修高潤重建鳳堰閘記蕭山襟花溪磧

堰西帶錢塘北濱大海靈雨決旬遂致泛溢高亢
彌月即為赤地民多病之宋楊龜山先生來宰因
鑿相湖為陂蓄之所其溝潢運河皆為堰閘而因
時啟閉焉鳳堰閘其一也是堰傾圯田禾湮沒邑

士任邦瑞出私幣白於縣以甃治之令助以夫力厥功告成

牆裏童閘

國朝順治十年建

諸暨縣

縣湖 在城內又名學湖紹興府志宋淳熙中知縣何喬重浚置二閘嘉靖中知縣徐履祥復浚於西築一堤

浣江 在縣南門外經野規畧吞婺剡萬溪之水繞城北流

東江 在縣東

下西江 從縣南浣江分流七十餘里與東江合弘治紹興府志元天歷間州同知阿爾斯蘭迪延開浚俗稱新江

黃白川 在縣南十里許劉光復會義橋記上受寶婺萬山之水而通浣江

泌湖 在縣北五十里萬厯紹興府志舊以蓄水不田故不陞科後沿湖居民漸據為田

白塔湖

在東江下六十里通瀝山湖

瀝山湖

在縣北六十里紫巖鄉

朱公湖

在下西江三十五里

高湖

在下東江二十里

大侶湖

在縣東五里

七十二湖

其名不一並湖之田皆稱湖田

家公堤

在長官橋邊宋縣令家坤翁築

湖塘

在縣東二里唐天寶中令郭密之築溉田二十餘頃

楊柳堰

在二十五都黃瑩建

呂浦堰

在孝義溪

巖頭堰

孫村

堰

俱在開化溪

街亭堰

王村堰

在洪浦江

鴨子堰

在義

烏溪

牯牛堰

石碓堰

洄村堰

永昌上堰

在楓

溪

永昌下堰

鐵石堰

丁家堰

宣村堰

黃剛堰

俱在楓溪

仕堂堰

在二十七都橫家山下黃巖廷立

魚籠

堰

石壁堰

黃沙堰

俱在干溪

石蟹堰

王堰

石井堰

祝橋堰

跨湖堰

俱在五洩溪

蔣家堰

在真

如庵前

便堰

在概浦溪

考溪堰

張家堰

在雙溪

萬定埂 七家埂 上塘郎埂 下塘郎埂 廟後

埂 官塘埂 前山埂 包家埂 廟前埂 丁

家埂 麻園埂 大園埂 黃家井埂 金村埂

霍口沙塘埂 杜家埂 中湖水埂 下湖

水埂 吳郎莊埂 墳塔埂 霍家埂 橋頭湖

埂 以上皆上江東岸 柘湖埂 前湖埂 白塘湖埂

宣家湖埂 上莊湖埂 下莊湖埂 安家湖埂

茲橋湖埂 五湖埂 苧蘿下首埂 道士湖

埂

以上皆上江西岸

二十七都小港門前埂 祖宅門

前埂

關全湖埂

上洋湖埂

下洋湖埂

趙

郎湖埂

毛村湖埂

蔣村埂

以上皆雙江河岸

婁家

埂

陳村埂

翁家荷花埂

張村埂

孫家橫

埂

大樟樹埂

大路埂

丁橋埂

廟前碑亭

半引埂

上網廟陶家埂

以上街亭河岸

水磨堰埂

黃蘭畝埂

石井畝埂

却湖埂

西景湖埂

留仁荒湖埂

徐家湖埂

以上山後河東岸

牌畝芝麻

埂 金家湖埂 沙塔湖埂 黃家湖埂 新湖

埂 楊家湖埂 馬塔湖埂 月塘湖埂 朱俞

二湖埂 合家湖埂 以上山後河西岸 靈口塘埂 黃

家墩埂 高湖埂 湯家湖埂 嶢頭湖埂 章

家趙家湖埂 落星湖埂 壽文四十八新湖埂

上竹月湖埂 下竹月湖埂 木陳湖埂 吳

墅湖埂 婁家湖埂 新大圩埂 山後湖埂

孤山湖埂 下東埂 石米橫埂 草湖埂 新

湖埂 金竹塘湖埂 馬塘湖埂 白塔湖埂

西安鄉埂 紫巖鄉埂 華家巖埂 歷山湖埂

蔣湖忽覩湖埂 橫山湖埂 吳湖埂 上金

湖埂 下金湖埂 新塘裏埂 新湖埂 吳家

櫃埂 下湖埂 以上東江東岸 廟嘴埂 北園埂 源

匯埂 和尚灘埂 張家新湖埂 戚家湖埂

壽家匯湖埂 東橫塘湖埂 朱家湖埂 東黃

家湖埂 東京塘湖埂 泥湖埂 東大兆湖埂

霰漁湖埂 西施湖埂 魯家湖埂

以上東
江西岸

沙埭埂 余村埂 大侶湖周村埂 楮木湖埂

西橫塘湖埂 西朱家湖埂 西上黃家湖埂

西下黃家湖埂 西京塘湖埂 何家湖埂

西大兆湖埂

黃潭湖埂

以上西
江東岸

北莊畝埂

張家畝埂 邵家湖埂 酈家小湖埂 東大湖

埂 道士湖埂 新亭湖埂 黃官人湖埂 廟

前湖埂 陳家湖埂 上蒼湖埂 下蒼湖埂

象湖埂 黃湖埂 郭家湖埂 和尚湖埂 秀

才湖埂 潭湖埂 車湖埂 張麻湖埂 朱公

湖埂 上浦埂 貫莊湖埂 橋裏湖埂 連塘

湖埂 江西湖埂 浦球湖埂 湄池湖埂 南

湖埂 下坂湖埂 楓山湖埂 神堂湖埂 以上

西岸經野坵畧諸壘上山來水下流萬派水由磧
堰一處甚窄兼潮水灌突易於泛漲倘不力教未
有不潰敗者教埂之法埂內須多釘牛眠樁埂外
護以竹簾草薦低處遇水則闌以門板有漏洞缺
口則下草皮或用舊袋或鹽蒲包盛泥塞其口洞
方可止水埂倒多在夜間放水發時當令圩長率

田戶終夜巡視
防救始可無虞

南門閘

在南門外

縣湖閘

馬湖閘

茆渚埠閘

洋

湖閘

關全湖閘

黃公閘

南湖斗門閘

了

山上閘

了山下閘

五浦閘

在大侶湖以下五閘皆明萬厯間縣

令劉光復建

廟嘴埂閘

白塔湖埂閘

朱公湖埂

閘 高湖埂閘

餘姚縣

餘姚江 在縣南十步許又名舜江於越新編濱江

田皆賴以灌溉若澇則諸鄉之水咸放而直入於江

東橫河 在縣東北二十五里萬厯紹興府志明嘉靖十五年縣丞金韶浚深之

燭溪湖 在縣東北十八里嘉泰會稽志俗號淡水海周一百五十里深二丈溉田千餘頃東西各有石閘其西閘易為土門旋廢宋慶元五年知縣施宿始復其舊更鑿山閘令廣每放湖水勢不梏人

皆使之萬厯紹興府志明成化十三年於湖中築塘分湖為兩自梅堰湖航渡西山以東俱屬上原塘以西屬下原嘉靖十四年重修

新海湖 在縣西北四十五里弘治紹興府志洪武二十二年築臨山衛城塞汝仇湖為教場至二十七年耆民黃原敬上言從湖北濱海地築塘瀦水為湖以溉田

汝仇湖 在縣西北四十里紹興府志南距山又距

喻格堰孟家塘北距海堤周九百七十一頃最為

大今為民佃不能半矣

謹按餘姚陂湖三十一所俱蓄水灌田今或存或廢詳見山川茲不復載

大江口壩

在縣西南三十里雲樓鄉

運河新閘

在雲樓鄉一都萬厯丙申里人陳有年周思宸請於守道吳獻台立

李家

閘

在通德鄉三都廢

周家埠閘

在通德鄉三都

石堰閘南

湫閘

東橫河閘

俱在龍泉一都

匡堰閘

水靈閘

俱在

梅川鄉二都廢

白石堰閘

在上林鄉一都

雙河閘

洋浦閘

俱在上林鄉二都唐景龍元年創二閘於漾塘南
曰雙河北曰洋浦宋乾道慶元間皆修治之明永

樂初復為
石閘今廢
礮山閘
在燭溪
白元閘
在梅川鄉

徐壘捐資倡
建民咸賴之

菁江斗門
在燭溪鄉
廟山斗門
在梅川鄉
諸郎斗門
孫

家斗門
俱在治山鄉
黃莊斗門
在鳳亭鄉
眉山斗門
在雲

柯橫河斗門
在雲樓鄉
孫家斗門
焦家斗門

孟家斗門
俱在上林鄉
仁風斗門
在孝義溪
沙河斗門

在龍泉鄉

上虞縣

運河 在縣治前通衢之南東接通明堰西距梁湖
壩綿亘三十里宋史河渠志紹興初高宗次越以
上虞縣梁湖堰東運河淺澀令發六千五百餘工
委本縣令佐監督濬治萬厯紹興府志舊有則水
牌二一在九獅橋側一在姜家橋南今皆湮沒城
內河向為居民所侵明嘉靖三年知縣楊紹芳歸
河南侵地為牽路約廣六尺自通明門抵畫錦門

自後往來舟皆由城內頗稱便十四年知縣張光祖復歸河北地自通濟橋至水館亭約長五十丈廣八尺連南者共二丈九尺

新河 在縣東北十里萬厯紹興府志明永樂九年鄭人邾度以通明江七里灘阻塞不便上言將縣後舊溝開濬名後新河置西黃浦橋直抵鄭監山堰復舊通明壩又開十八里河直抵江口壩官民船皆由之路雖不甚便然免候潮之難嘉靖三年

知縣楊紹芳拆西黃浦橋作筦橋舟復由城中行而黃浦橋東至十八里河則仍邨度迹不改

西溪湖 在縣西南二里湖周七里上虞縣志宋令戴延興為堤七里以障之又名七里湖可溉田二千餘頃後漸廢元至正間縣尹林希元有復湖議明仍元舊陞稅為田者久之萬厯間縣令朱維藩修濬諸港湖得稍復猶未能還其故址也

夏蓋湖 在縣西北四十里北枕大海周一百五里

萬厯紹興府志湖有三十六溝引灌五鄉十三萬畝兼有菱芡芡蘗魚蝦之利俗謂日產黃金方寸
宋熙寧中縣尉張漸廢為田元祐四年吏部郎中
章綵奏復之政和中又廢為田建炎四年傅崧卿

守郡餘姚陳橐上書陳利便

陳橐上傳崧卿論夏益湖書上虞餘姚所

管陂湖三十餘所而夏益湖最大周回一百五里
自來蔭注上虞縣新興等五鄉及餘姚縣蘭風鄉
此六鄉皆瀕海土平而水易洩田以畝計無慮數十
萬惟藉一湖灌溉之利今既涸之為田若雨不時
降則拱手以視禾稼之焦枯耳其他諸湖所灌
注皆不下數百頃在餘姚若汝仇牟山燭溪上林

餘支千金漁浦黃山樂安等湖所灌田動以數百頃值利人戶倚以為命而乃盡奪之一遇旱暵非惟赤子饑餓僵路道路而計司常賦虧失尤多雖盡得湖田租課十不滿其三四人況每遇旱歲湖田亦隨例申訴官中檢放與民田等昨見上虞丞言曾蒙上司差委相度湖田利害因對靖康元年建炎元年湖田租課除檢放外兩年共納五千四百餘石而民田緣失陂湖之利無處不旱兩年計檢放秋米二萬二千五百餘石只上虞一縣如此以此論之其得失豈不較然民間所損又可見矣但當時以湖田租課歸御前與省計自分兩家雖得湖田百斛而常賦虧萬斛娶妾之臣猶將曰此百斛者御前所得也不勸湖田何以有此省計虧羨我何知哉今湖田租課既充經費則漕臺郡守固當計其得失之多寡而辦其利害夫公上之於民一體也有損於公有益於民猶當為之況公

私俱受其害可不思所以革之耶索見建炎二年
春色民常訴湖田之害於撫諭使者使者下其狀
於州縣上虞令陳休錫遂悉罷境內之湖田翟師
以未得朝廷指揮數窘之陳不為變是歲越境大
旱如諸暨新嵎赤地數百里農夫無事於鉅父獨
上虞大熟餘姚次之其冬新嵎之民糴於上虞餘
姚者屬路不絕向使陳令行之不果則邑民歿死
不暇況他境乎夫以一縣令尚能為之索之所望
於左右

宜何如

嘉泰會稽志紹興二年上虞縣令趙不揺

言湖為田不便吏部尚書李光奏一方利害無甚
於湖自政和以來以湖為田者乞復為湖萬曆紹
興府志嘉熙元年或獻於福王府民張康等爭之

欽定四庫全書

浙江通志
卷五十七

得免元元貞間傍湖之民輒於高處填為田至數十畝至正十二年縣尹林希元定墾田數餘悉為湖十六年或乘間竊種尹李睿復之十八年或獻於長鎗軍縣尹韓諫言於督軍郎中劉仁本已之其水灌上虞之新興等五鄉之田而陳倉堰閘之水則灌餘姚之蘭風一都四五十九保之田後上虞不肯與餘姚同利明洪武六年知府唐鐸悉復古規令教授王儼作記志其本末

謹按上虞陂湖甚多惟夏蓋則為湖甚廣為利甚大為一邑水利之最餘雖資以蔭田其名已見山

川茲不
復載

孔堰

奚家堰

俱在
二都

石堰

驛亭堰

小越堰

河清溝堰

蔣家堰

皂角堰

俞植堰

兩貫

珠堰

五叉堰

俱在
三都

橫山堰

施家堰

楊湖

堰

夾堰

徐林堰

徐少堰

杜兼堰

柯山

堰

俱在
四都

徐許堰

王婆堰

丁家堰

陳倉堰

李監堰

中堰

西碇堰

俱在
五都

思湖堰

在六
都

花公堰

梅林堰

竇堰

俱在七都

黃家堰

在八都

茭封堰

在九都

炭堰

柯莊堰

新建堰

百

官堰

舊名龍山堰

穰草堰

俱在十都

中霸

又名新通明壩在縣東十里鄭監山下宋時在急遞鋪側名通明北堰明洪武初鄭人郝度建

言開浚移鄭監山下嘉靖間有奸民私置幽窪洩水知縣楊紹芳鳩工堅築焉

通明壩

在縣東三里二都宋嘉泰元年置

梁湖壩

在十都曹城江東岸風濤衝激遷徙不常

元至元庚辰遷曹城驛西邑簿馬合麻重建明洪武初設官掌之嘉靖間江湖西徙漲沙約七里縣

令鄭芸浚為河移壩江邊以通舟楫

高霸

在十一都近高山

橫涇壩

在

南門外明萬歷五年縣丞濮陽傳重修甃以石此
附郭水利之最要者也二十五年縣令胡思仲初
為斗門時其蓄洩一在東門外新
安閘南胡思仲造閘仍增拓其址
屈家壩在十都

池湖壩

在十都

張家閘

在一都

孔家閘

在一都

西陡門閘

石堰閘

小越閘

俱在三都

橫山閘

在四都

夏蓋山閘

陳

倉堰閘

俱在五都明洪武二年置

穰草堰閘

洪山湖閘

陡門閘

孔涇閘

俱在十都即孔堰牖元至正庚子改堰為之

嵩陡

門閘

小陡門閘

俱在十一都與會稽接壤

龍山陡門閘

在十

四都閘坐江口截定流水灌田一千餘畝閘廢民甚苦早明萬歷三十三年縣令徐待聘建

虞家港閘

湖頭閘

龍舌閘

鄭家閘

俱在二都

上二閘俱朱維藩建

清水閘

在二十二都宋嘉泰元年尉錢績修建孫應時復清水閘

記上虞運渠貫邑而西二十五里屬於曹江其堰曰梁湖地勢高邑東十二里屬於姚江其堰曰通明地勢下水容於兩堤間高於田丈餘而夾堤皆深浦故渠數決為患不小嘉泰之元吳越錢君績為尉詢其故或曰上管有驪水之道曰清水閘渠漲則北洩之於浦今廢數十年而故址則存錢君行視信然乃上創石橋下甃斗門啟閘以時一追舊規又繕治近堤廣五十丈袤二十尺土石堅密渠得不決後地

府史王永修之

孟宅閘

在縣東二十二都宋嘉泰初縣尉錢績修

後圮府史王永以舊閘小窄不足防水就故址更加深廣

四水閘

在縣東南二十二都

宋縣令袁君儒建

清河坊閘

在二十二都

永濟閘

在二十二都

新安閘

在縣東五里包村港明萬歷二十四年縣令胡思仲建凡三洞每洞閘一丈餘

兩岸皆楚以石置田以資修理定閘夫六名以司啟閉胡思仲新安閘記萬厯丙申予出令於虞考虞疆西截姚江舊滙為沙湖導自運河中通皂李成巨浸可一舍而抵縣治治南水發源自百雲巽溪漸流灌於城內分流而為玉溪郊外舊有橫壩閘以障其流而迴波轉注焉久皆湮沒無存矣運河而東則由治直達通明去治東半里向南有孟宅閘閘下之水盤旋至包村港實巽水所滙處為江潮之咽喉水口之關鎖而地勢高仰苦瀉直走姚江寧惟一方旱勞是虞實四境風氣攸關則莫

如開包村是急余乃次第經營既為修築沙湖蓄一邑之水源又為更新橫壩濬玉溪之壅閘而尤注意於包村僉謂茲水之灌田者畝可萬計不開時若旱不登閘則歲可倍收化瘠為腴今第量其承灌之淺深為輸錢之多寡分為三則則無踰二錢於是卜日興工任事者協心悉力殆無遺計而聞事始竣自開事竣與前二閘鼎峙而後虞之水利可謂大備已聞名新安余新安產也民識不忘倘亦鄭渠蘇

柯家閘

在鎮都又名長壩

韓家閘

在鎮都明

洪武七年置宋源建柯家韓家二閘記上虞有湖名夏蓋渠之下流建二石閘湖並於海鹵水或乘潮而入舊嘗造堤捍其衝至是暴潰洪武辛亥冬臨淮唐侯鐸出守會稽上虞侯視決堤與民共約度田次會粟因口以賦庸鑿石為堤自蓮花池至暴風合萬有三千尺始與故堤屬堤卒成會侯召

入為卿太常遂命僚屬集事其柯家閘廣二十有四尺深如廣之數而贏其一其韓家閘廣減前閘之半深比廣倍之始事於甲寅七月訖於十有二月

嵯縣

新河 在縣東北三里萬厯紹興府志往昔剡溪由西而北環城出艇湖及後水漲溪南徙不由故道古溪遺址尚存明隆慶六年知縣朱一栢自東門外引河流迤北入古溪兩岸築以石堤邑人立石題曰朱公河萬厯四年夏知縣譚禮議濬署縣教

諭王天和縣丞林濟卿主簿鄭輅協力治之嵯縣

志萬曆七年提學副使喬因阜檄縣重濬今復淤

何家塘

在縣東十里崇信鄉七都

任幷塘

在縣東二十五里八九十都

嫺

烏塘

在縣東四十里十四都

西山塘

在縣東五十里十五都

清隱

塘

在縣東七十里十六都

愛湖塘

在縣南七里一都

黃塘

在縣南八

里二都

瀏潔塘

在縣南二十里五十三都

麗湖塘

古跡坑

俱在縣西南十五里五十一都

道塘

貴家堰

俱在縣西二十五里四十六都

新塘 東湖塘

西湖塘

俱在縣西三十里四十八都

官

塘

在縣西四十里三十六都

普惠塘

在縣西五十里四十二都

蘆塘

在縣

西五十里

沃塘

在縣西五十里二十都

廣利塘

在縣西北二十

里界十九二十

漢塘

在縣西北二十里二十五都

俞家塘

都二十五都

在縣北十九里二十都久圯

國朝康熙間縣丞胡玗修濬諸塘民享其利

陳塘礮

在二都

桃花礮

吳家礮

俱在三都萬歷三年修築今塞

大巖礮

在五都

守山礮

臨安礮

縱技礮

前

花礮

即東郭礮今圯

挑花礮

俱在六都

黃濟渠礮

賴石

礮

黃澤礮

巖頭礮

大淺礮

俱在八都

許宅

碑 任泉碑

俱在十都

梅林碑

在十都

于浦碑

曹娥碑

俱在十二都

油草碑

道士碑

俱在十三都

秋

頭碑

黃城碑

澄塘碑

俱在十六都

相家碑

黃

巖碑

黃石官碑

青水碑

俱在十八都

油草碑

在二

國朝康熙間縣丞胡江督濬

胡洋碑

在二十九都

下黃

坂碑

樣頭碑

秋綠碑

俱在十一都

城後碑

黃

家塘碑

俱在十二都

下齊碑

在十三都

苦竹大碑

在三

十四都

苦竹碑

在十五都

鎗黃碑

在十六都

新石

碕

石碕碕

俱在三十七都

八畝碕

白肚碕

橫溪

碕

俱在三十八都

古碕

在三十九都

沿巖碕

在四十都

前田

碕

石古碕

苦竹碕

俱在四十一都

通渠碕

胡家

碕

菖蒲碕

俱在四十二都

泉碕

沈郎碕

史鐵碕

俱在四十三都

皂角碕

新橋碕

俱在四十四都

宋家碕

在四十四都

十五都

康郎碕

在四十六都

俞家碕

卑溪碕

新

石碕

俱在四十七都

碑石碕

戚家碕

俱在四十九都

浩江

大碕

石鼓碕

俱在五十都
明崇禎間鄉民李嘉壽倡築

欽定四庫全書

卷五十七

國朝康熙間典史

毛鼎鉉督濬

陳村碑

在五十都

深林碑

潭邊

碑

胡塍碑

俱在五都

源通碑

益通碑

俱在五都

明萬厯間滿洪水衝坍邑人趙明奉修治之

陳大碑

五十都

新昌縣

東溪 在縣東一里其正派從北流過縣後西北流

為三溪出嵎縣為剡溪嘉泰會稽志其源東南來

自天台石橋瀑布水支派入縣南流西溉田一萬

二千畝

東堤

綿亘三里以捍溪潦宋知縣林安宅所築實歷
間知縣趙時仝咸淳間知縣吳均佐重修歷二
百年又圯明成化十二年知縣李楫修築弘治間
知縣唐夔築大堤邑紳尚書何鑑時為御史實持
其議未幾復壞於水知縣楊琛累石重修增築子
堤高廣視昔三倍李傑文重修東堤記縣治東南
接天姥諸大山溪澗衆水奔注百餘里匯為東溪
環於縣東而北折為剡溪一遇霖雨山水暴至則
東溪泛溢洶湧勢不可禦宋紹興間水決覆船山
壞民田衝縣治時閩人林安宅知縣事築大堤捍
之起自小東門迤邐北門而止又築子堤於外以殺
水勢正統間水決虎隊嶺成化丁酉為患彌甚弘
治癸丑縣令唐夔築大堤起自龍山接於舊堤計
一百六十餘丈丙辰夏水潰所築數十丈縣令楊
君琛累石塞之增築子堤其長視大堤三分之一
廣三分之一弘治十三年記嘉靖間水復決推

官陳讓知縣吳希孟董役因舊址增築知縣萬鵬成之隆慶間知縣蕭敏道捐金募工修築

後溪堤

在縣西十里明萬厯間知縣田瑄令典史朱琳督工修築以捍水患

孝行碑

在縣南一里宋知縣林安宅所開長十餘里既田一萬三千畝民賴其利後知縣涂相宋

賢相繼修理之後因水利不均民莫肯修明萬歷三年歲旱知縣田瑄視之得其故乃諭民協力修濬五年復募民增修沿碑加土堅築甃以石板於大佛橋洩水之處設巨石以防旱澇立均水牌以均灌

醴泉碑

青山碑

鼓泉碑

俱在四都

青泉

碑

在五都

谷陳碑

在五都

梅渚碑

在五都

下意碑

龜巖碑

左於碑

俱在五都

左過碑

穿巖碑

俱在
十都

津溪碑

染口碑

大用碑

磕山碑

俱在

十二
都

練使碑

在十
三都

長照碑

英婁碑

俱在二
十都

奇巖碑

在二十
四都

中溪碑

三坑碑

俱在二
十七都

新

澤碑

在二十
九都

丹坑碑

香林碑

小溪碑

俱在
三十

三
都

支淺碑

螺螭碑

馬郎碑

茹葫碑

俱在
三十

八
都

謹按新昌在萬山中地勢歛仄故鮮陂湖溝澮止
溪流三派引以溉田其利害所關則惟在東堤與

諸碑
而已

欽定四庫全書

浙江通志
卷五十七

浙江通志卷五十七